

卷之三

小叙

余與君宣交蓋自髫年也每飛

書相問聲情筆舌舉體皆俊

心異賞之謂必將來才人故未

知其業能顯也已余讀書城南



君宣衡字相望與古白及余三人相為揣摩言覃思沈之乃更服其精苦然猶未知其工詩古文也又五年同上公車出雜稿一秩相示使我歌之舞之心折

魂搖不能自禁蓋明興作者大起以至今日大都襜之研之一種爭炎鬪名之想浸淫於神魄而滌洄於豪吻以故骨不僂而棧不天。莽材罔學復初為決裂

踔蕩之文自侷膽識其膚者剝
割眉山影其矐笑倚門殢客喜
為逸品轉相飄飄幾不省機趣
為何等矣君宣諸稿如凝似縱
欲朴旋靈不摩先造而古至古

鼎決無凡色不落今趣而為雲
為雨綽露纖姿至於詩篇空想
幽懷聊思澹響名葩泣露歌態
迎風每倏魅泣於冥發癡在室
詩情至此可仙可鬼亦逝亦傳

矣而君宣故以無意出之不知
竟以此傳且僅以此傳也悲夫
君宣手稿錯落甚異如衫履欵
崎雄姿彌耀而今茲刻集冠之
冕之褻之容儀矜儼乃稍
褻、研、矣或非君宣旨也則
後死者之任矣夫

戊午中秋友弟文震孟纂



吳郡章鏞刻

自娛集目錄
卷之一
古樂府
擬古遺遠
友人作歸鴻別鶴操屬予作高山流水
采蓮曲
江南春
焦小玉
輕離別
明朝別

自娛集目錄

卷之一

古樂府

擬古遺遠

六首

友人作歸鴻別鶴操屬予作高山流水

采蓮曲

道旁柳

江南春

映水曲

焦小玉

行路難

輕離別

明朝別

悲愁行

五言古詩

怨女 四章

邨墓

路失公鳴

代贈友人破戒浪宿

遐望

秋慰

夢懶

拾花

贈郭山人

江望

憶宓章紀夢

贈雷秀泉

古意

隔舟婦語音絕麗

有述

江月

三星橋

飲馬

寒途

良鄉有蘇廷用者以一見偕步塔下坐

語山頭此山出火石

丙辰元日

旅店夜啼兒

寄李伯玉

憶爾行爲馥儂

送別 代小壽

張念餘五十兼祝誕子

畫
有女行贈來君

謝志
寄潘景升 二首

勵志行有贈
賭命行

贈阿鳳
途中懷慈甫仲因

夢作天邊遊寤懷原博子晉愚公

贈潘景升 三首
古意 具韻

遠書至
悲幼玉

春盡
送北游客

古意
手藉代贈

束 二首
題蘭別古白 二首

舟中述
兩來船

題尋隱圖

壽孫貞媛查氏

七言古詩

雨中登虎丘
中秋懷子宓

劉受初立夏日山中一宿而去

齊王孫水竹居
夢偈東從實師

復渡金山與慈航臨江對月

同汝章原博文綬坐平遠堂

為岫雲舅招蒐

郭璞墓望江雲膚寸而散如海鷗鳥

歲朝 送楊將軍

晏如居士歌

雪中與古白游馬鞍山

卷之二

五言律詩

虎丘五賢臺坐月

訪小四

述夢

感孟珠 二首

錢功父 山二首

懷慈甫

同慈甫過竹亭是時將別彼此愴然

有懷

別錢九淵

贈楊綬

歸度金山

過栖霞 劉敬齋 壽劉山客

郊外遇故人

與譚文長晚坐昭關

集劉子真齋遇徐姬

悼范七
詠月

慈航雲谷言念六載矣丙午復渡江相

北對春
山間六

與倪馴之集正歌館

癸卯雨花臺遠眺懷幼子

燕子磯雨
客燕日

清明日西山道中

渡江望方山一帶

飲木末亭紫薇下

新識俞羽侯
與徐子

燕子磯夜坐
有悼二道

子秋入禪
寄友人

梨花
懷歸

春歸夜
贈某師

感別
南歸客

卷之三

七言律詩

莫愁湖飲別
滕陽道上

過孟嘗君養士碑

新城雪道曉行

瓊花臺夜飲

壽八十翁

途寄蒞玉

靈巖女

三賢堂

憶玉如

東維揚徐茗玉

題弘濟寺

黃雨石南山祠

虎丘夜歸

曲水草堂贈侯雙

送陳玉海

懷遠

江風感

喜碧來

子秋習禪

昔年曾攜孟珠登燕子磯坐石臺俯江

流醉夢嘯歌者數日今復登此臺而

欲泣卽下舟去

有贈

薄暮新月

子秋

憶秋華喜

節兒新破瓜以襟帶索題戲書此

除夜泊淮陰朱侯適亦同船相對驚快

朱出梅花酒縱飲三日乃別二首

梅側有樓外祖所居處

答攝山淨持子從實時讀書天開巖

卷之四

五言排律

庚子過惠山憇漪瀾亭懷仙樓及謁諸

賢祠

楊二郎善琴善歌不美而多態卽若若弟也

書扇頭贈玄仲家佛舍

登天池蓮華峰絕頂

和張餘子絡絲娟詩

燕子磯南石門山之聚風處也從秣陵

歸盤桓山下數日徐公子挾玉華至

園苦秋熱飲于石門華病腰兼有別離

熱之愁神頗不怡謀所以怡之者鼓興

同狂飲命歌者歌大江東去詞主人洞

簫倚和華爲解顏曰今日惡得無詩

爲予檢韻得歸字成十六言

同子顥渡江而北

城南聯句

園南室

鳳從滄關移居胥渡

再贈日方

送何仲先鄉試

贈原博胤子

七言排律

追念伯起先生

五言絕句

貧婦曲

幼于艸堂歌

予有把酒憶明月九章原博有六章採

其一章續後成十章

幼于生殯

甘蔗郎

禪房

之容

蛛網

馬湘蘭畫蘭

金山曉起

山茶積雪題扇

題畫

新春日

書燕子磯石壁

山望蘭

畫

閨懷

與原博舟中別

風月閒

歲朝

畫蘭

畫

携幼奴

樓雨

手藉

五翁秋小影

春晚

悶待

招遠

別贈

代張壽四首

攜李別諸友後寄謝

馬行夢驚

懷舊

古意

緘寄

雲

交運

並馬行

懷友

卷之六

七言絕句

桃葉渡

燈市喜素奴不赴

覽髮因感

有訪不遇時歲底

追懷魏蓉

復過淮堤新柳邊有感

登山喜兩姬月下至

感玄仲諸契 二首

余峰丈同渡春江分手作茆山游 二首

懷別

岫雲沈舅誌 二首

燕姬墮馬 四首

登太山 八首

為幼玉作

并書此送之 七首

原博留

月下獨歸晨遣訊之 五首

紀夢

彈琴

九郎過訪

夢杜若念因夢部刺

題小翩圖

月下虎丘見喜月二馮

潯陽送客圖

書觀音閣石壁 二首

樓頭嬾

代

憶別

閨懷

別小四

春盡 二首

記別

送別 二首

餞友

鳳生

空閨春晚圖

夢愛兒片語即去

家樓

挽何冰玉 二首

贈倪冰泉

感雙 二首

南齋夜讀

閨怨

訪幼卿瘞處

醉步

歌婢留別

雲夢弔古 五首

閨怨

二首

長干竹居菴有手栽四竹歸時囑陳復

所善護之別後時以為念因夢晤陳

君亟訊此竹陳曰無恙

薛虞卿得下嫂置大樹園

畫蘭

喜見黃必顯

秋閨詞代楊素娟遠寄知寐夢四泉

自述

二首

為綵五作悲秋詞贈舊歡

茗盞對奕適有客索詩者

客中歲暮

湖上追想

又子鴻歸禪

懷蓋玉 二首

有訪

贈友

懷諸姬

悼

春去日送行

晏坐

夜別因贈在坐之交歡者

幼于來

霧後歸園

春晴

臨別

平康曲

秋別

舊隱

春暮

郊外別

過去姬與遊處

訪高士

山懷西望

題畫

感

閨恨

維揚遇華哥

山夜

夢醒

寄

醉歌

海棠

仙仙楊柳牕

哭顧二

蘭

寄茗玉

秋夜集

畫煙雨

看雲客至

蘆雁

憶舊遊

渡錢塘

喜玉如強起

別王學博

遣病

劉隱士

送子秋仲喜

答張一

答徐日方兼寄元聲兄弟

汪成龍

江上

鄉夢

多病

訪山客

齋中

湖上懷皆可諸丈

述感

青韶臨水

有感 二首

雨夜

秋夜臨水獸坐

遠懷

江南意

春雨懷寄

落花 三首

秋淚 一首

待夢

感春

懷

惜少年 閨怨 山圖

雨鐘

答友人秋山圖

寄謝

坐想

悼徐玄仲

春病

二首

傷艾賓伯

三首

夢別

二首

春去

二首

燭坐

多別

閨况

秋去矣而感秋之疾固在毋冤秋也以

寄子葵

春思二首懷翩翩

紀別

夢原博

野集

秋病

二首

惜花

二首

悼原博

原博玄仲

幼卿朱鳳玉華

閨夢

不遇

秋閨

二首

又送王學博歸滇南

有悼

十三首

友人死有冤以買姬致疾者首

坐臥

夢期袂那

二首

懷素玉

夜別 亦雅二首 送別歸

祝生病 首 痛祝生四首 未首為生招魂

別梁丹甫 首 作雲期曲懷人因寄

湖上喜值 文以玉學軒親戴南

友人作病顏詩代為贈答各二章

邀夢 文軒 樓望 米鳳王華

野步 首 鴛鴦枕 按宛然也

促至 二首 春意 二首

雨樓 自悵 軒

期飲 風緩

雁 送春

江舶 餞

別怨 閨望 二首

春苦 夢述

順流別 懷魏元

憐秋 題楊柳參差揜畫樓

畫 二首 懷歸 二首

夜權 娥眉疎

西湖感

閨怨

秋倦

郊送

霞望

秋病

巖灘

錢塘

遠行

新相識

蛩

雪

古意

失意

秋恨

贈別

行

名歎

秋興

寄意

春興

春閨

感慰

賦別

驟寒

夜集有贈

瓶梅影

集楊女郎

悼古白南園日

戲贈

京送人

悵

卷之秋懷

東寄

春懷

羨閒

別

卷之七

序

陳古白南園日牋序

何侯兵錄序

蘇子忠詩序

談節甫文序

浦麗江乞壽詩題序

歸母沈孺人壽序

壽顧雲門序

壽張老伯母序

壽郭老序

壽伍孝子母序

壽談母序

卷之八

引

會課引

代朱按院

張仲防稿引

太淳文引

于灝文引

自引

太淳戲擬十義引

王瑞卿宮詞引

林若撫梅詠引

吳康侯文引

張伯雄選許子遜稿引

刻時稅自引
宛似歌引

打棗竿小引

題跋

題日方越吟
題畫卷後

雜著附

齋中木魚銘後為陳古白敲碎復作碎

木魚銘
四首
研銘

丙午前除夕詩多不能全憶每錄二語
數歷年之况

卷之九

祭文

祭張幼于先生文

祭黃麗江
代歸郎子
祭何鳳老

奠宋翁
祭傅子晉
代

祭楊培之
祭歸爾昌

祭申晦之
祭薛雲舉

祭陸冲宇
遙祭宓子章

祭若愚羽士
祭陳貞母

祭陳貞母代

祭王宜人代

祭陳嫂

有以子祭父者代為之文

為張皆可祖奠 奠沈元文

祭胡一

祭半齒

祭桃影

挽

挽江進之

誄

誄雙梧

傷小董浣

哭顧二火死

應奎死感泣不已而有是文

哭宋伯醇

傳

先大夫別傳

記

翦四宜堂竹樹記

讚

張元長像讚

劉周巖行樂小像讚

章右之先生像讚

張氏族譜讚

侯雙小照讚

疏

募脩觀橋疏

講楞嚴募疏

立禪募造疏

卷之十

尺牘

與郭履台

與吳

與陸觀卿

與方孩未

與孫蘇門

與尹慧生

與徐日方

與宋汝章

二通

復崔連嶽

與馬心劬

與陳玉海

與同年某

與徐大治

與某丈

與鄭

與李君仁

與張余峰

與姚孟長

與尹慧生

與周玉繩

與京中同年

與張元美

與謝赤几

與何仲先

與張皆可

與張元美

與王東里

與秦文

與陳載甫

與張倚公

與陳載甫

復周心怡

與陳韋翁

與管席之

與劉元聲

與陳古白

三通

與陳夢維

與張赤涵

與王太玉

與文起孟長

與君亮

與太淳

與某年丈

聚臺叔

家書

二通

詩餘

為顧文英作古鏡詞

友人有十二詞為古來薄命人洗恨者

獨缺馬嵬一事予為補之調惜餘春

慢

賀新郎贈倪馴之再娶

贈韓香二首

四君醉我惜無一共醉人牽我襟袂竟

踏雨夜歸旦日謝之

鵲橋仙咏月情夢二首

十二紅

孟珠十二調步步嬌 山坡羊 香羅帶

鬪寶蟾 玉芙蓉 香遍滿

醉扶歸 江兒水 玉交枝

四朝元四首 江行紀春鬪十八

傅靈修五調二郎神 集賢賓

金衣公子 琢木鸚

小翻十九調山坡裏羊 步步嬌

醉扶歸 園林好

月雲高 江兒水 三段子

皂羅袍 節節高 玉交枝

玉胞肚 嘉慶子 僥僥令

香柳娘 好姐姐 減字憶多嬌

小二四調二犯江兒水

侯小雙十調懶畫眉

陳家暎桃十三曲

浣溪沙二調
秋夜月二調
金蓮子一調
香遍滿二調
梧桐樹二調
劉潑帽二調
東歐令二調

裏人四曲

燕女有搗琵琶者喜為是歌乞新聲數
調余時大醉應絃疾書成十八韻

黃鶯兒

自娛集目錄終

自娛集卷之一

長洲俞琬綸君宣著

古樂府

擬古遺遠

人在衡湘兮臨睨鞅鞅芬菲以佩兮替予蕙纒

○其二兮齊女無聲於朝以即兮南風夷音

神魂斐斐兮入我翠幃子還墨墨兮有淚如綢

○其三兮湘湘問數夷雲落澤兮卸妝映寒

長風颺颺兮邈矣飛鳧明月親我兮何時還珠

身風其四
悲鳥垂聲兮
睠睠問還
淒雲落影兮
唯我知寒

側耳南枝兮
齊女無聲
欲鳴以咽兮
商風淒清

想像朱樓兮
有子妻其
清風在裳兮
無言以思

○友人作歸鴻別鶴操屬予作高山流水
青山百疊白雲深
白雲千頃青山陰
我有遐懷

誰知心月射方
諸水如綢碧水洄
洄月在流我
有遐懷誰知憂

○采蓮曲
小姨學采蓮
兩腕白於雪
花色如綉裙
瓣瓣紅

于血西鄰小姑亦採蓮
隔面徒聞語笑喧
從來

不相識相呼好竝船
停橈花下勤把手
他年何

處投箕帚苦樂參差不可言
此日花開得來否
難割藕絲腸
怕逢冶遊郎
歸去風吹小簟涼
時

聞花外香
道旁柳

吁嗟道旁柳歲古貌亦奇彼樹樓頭者好鳥輕
風吹獨此揚路塵常對塵中人軒冕盡相識無
一爲吾親鄒魯歲荒瘠皮作饑人食采薪莫采
實實貯飽家骨樓頭少嬾心道旁游子吟草木
豈無意蕭條背與襟
江南春
陌頭誰少年贈子玄霜散曷報芙蓉漿白月照
心晚滄江日夜去情盃不可滿鏡裏入輕風雙
鬟向花緩

映水曲

忽聞啞啞呼阿汝停杯欲應姑勿語徬徨四顧
不知處推簾坐對江之渚撥開荇藻青霞舉欲
偃欲仰姍然舞擡面始識樓頭女

焦小玉

噴路桃花香馥郁天妹問信飛丹鵲欲投箏語
出纖柔半額開愁理清曲拾翠采明人滿堂萎
蕤秀髮披雙玉有心欲許無一言微風卸却春

衣束

有心句改曲罷
拋箏態若狂

東行路難

慘風獵獵高天沙。厓無翠紫山無霞。主奴相顧
不識面。狐狸當津磨爪牙。解鞍買楫颶濤沸。行
人動魄江魚戲。巨鼇三月苦波恬。揚鬚鼓角干
鱗碎。苦日猶悲點額還。今朝額血叩天關。鼇囓
金彪九關使。一錘揮去成壑山。寄語天涯歸及
早。彙空命在莫煩惱。剪將蕙朶奠成絮。不奉征
衣蓄羅襖。妻縫襖女具餐。閉門貴草牀安犬迎
花笑。鳥聲歡壁有素琴。風自彈與君胡坐松風

下快酒聽彈行路難

輕離別

我恃通靈夢。嘗輕離別愁。朝分橫浦袂。暮整合
歡綢。今年蹙盜風塵擾。心旆情昏夢謬悠。到此
方知重離別。處處傷心別事稠。別事稠多夷猶
菑。菑香吹裁扇。月梧桐風怯。擣衣秋。昔日擣衣
秋。夢飛淮水頭。雲嶺愈長飛愈利。誰知夢遇亦
前由。今日情深飛翅弱。寸心千塞莫通郵。夢來
江上尋舟渡。每值江空無渡舟。吁嗟無渡舟步

轉數回頭轉到身何在當年同坐樓樓滿山雲
人去遠雲自依山水在流流去若逢招渡夢借
乘一瓣入南洲

明朝別

醉子雙金壘一壘幾番換明日山前山相思日
復日壁響秋蛩驕爐紅淺泉爛同調有幾人堪
此聚還散尖風偷隙來移燈几屏半猶共榻眠
時宵興向空喚

悲愁行

人人羨我無悲愁悲愁到我即斷頭一生盡是
悲愁事事有悲愁心自休心休百事開眉端家
人亦在戲中看棘縣纏作今生業轉合團團夙
世冤世路本參差營求欲胡為禍福皆非願尋
常素所期有酒信吾口有琴信吾手對飲是何
人聽者知音否座上常滿忘形難醉客無魚莫
作餐曲成難得聽者歎歎叶平聲娛客無絃不可彈
尋常事內多難測況不尋常寧可必莫測還他
難何必還吾適萬事皆存何必心此心即是神

仙術鴛鴦繡處好我亦知他好無意繡鴛鴦任
 爾金鍼巧法法都假我猜破終須線斷鴛鴦了
 我勸君空林灑烟月碧水沉秋旻揜窻與世隔
 對影唯吾親我勸君假處勞心心莫真君不見
 一窩隙土撐白骨當年世上有心人

五言古詩

怨女四章

有序

友家有以怨女死者女生於下人殊色
 而有文譏及良年而無燕婉求者置門
 前敗堵間予數過友人不知其家有此
 女也垂死之日予適跳往而於隔牆聞
 悲啼聲始詳其故悼悵無已因勸主人
 善瘞之乃日亦聽其父母歸之烏有耳
 嗟夫徽黼粉縵寧一此女然自遺人間

無限憐涕至錦襪一翫百緡此女遭何

不幸哉六日亦願其父母體之品其

二九顏如花輕柔動簾箔曲眉結煩冤芳情委
索莫妾命如秋蟲生世何窮薄不識春榮枝微
軀墮寒籜想故園中嬌豔丈人不味其寒木也

其二休文猶又身平而無燕效來香置門

谿側揚芳蕤停車爭採撫言鳥能解呼雕楹弄
朝夕儂賤不如草儂賤不如鳥良年棄道旁躑
苦如食蓼決死誰嗟吁芳魂逐空窅

其三

人苦爲情死情死安足傷有情竟誰歸收以還
大荒生前一縹髮今日餘膏薌骨亦于黃金隙
土無摧藏公則

其四

世無鴟夷子恨作西家兒千金買醜人稗穉棄
環姿父母空哀號哀號欲胡爲死者縱可作世
緣儂已知金卷商秦越何立首當星風來戀

邨墓

自如集 卷一 七
來過無名邨，纍纍數十阜。古來同一盡，唯汝求
速朽。骨肉生參商，秦越同丘首。當是夙來緣，相
盟作死友。枯草夜蕭蕭，燐聚魂相守。月碧風沙
飄，遶逼兔狐走。子孫貧或絕，皮骨新或久。間得
一陌錢，願汝通無有。我含萬古淚，爲汝滴荒畝。
土 路失公鳴

與友長安去，相失塵路岐。前山一片霞，同見不
相攜。秦雲赴湘月，輕風頃刻期。不謂歌離筵，乃
在連袂時。況將井梧淚，欲縮江鴛褸。遙見折楊
柳，乃是牛背兒。不知贈離別，鞭牛要柳枝。問見
迷行馬，搖頭回不知。

代贈友人破戒浪宿

妾住柳塘西，學舞紫雲曲。三年不試舞，狼籍青
貂蓐。曠望有遐心，參差暗香綠。春綃馬上郎，投
鞭意何屬。玄霜渴未解，題縑爛荃淥。君醉瓠子
卮，妾乘蓮華燭。當筵未陳意，溫風悴琴玉。才名
久騰價，何事尚蹉跎。虧我一宵緣，留君千里足。
君今擬上貴，安望鴟絲續。但願勵名士，莫賤紅

塵辱。眉劍咄已奇。龍性矯難伏。胡乃清霄姿。降
心。睠鸚鵡。事出文有異彩共一宵

○遐望。華嶽。雲。幻。出。仙人。髻。解。髻。風。參。參。雲。化。山。
邈。若。嶺。頭。雲。幻。出。仙人。髻。解。髻。風。參。參。雲。化。山。
光。碎。行。役。勞。我。形。幽。意。忻。相。對。予。有。舊。乘。鶴。見。
我。三。聲。喚。海。外。風。何。長。春。草。三。千。世。契。病。有。空。
山。躊。躇。理。往。事。

秋慰

舉轡杜陵堤。烟雨籠秋暉。雨殷葉盡泣。烟蕩山
皆飛。烟寂飛還止。泣窮花欲歸。辭歸向東嫁。西
風翦嫁衣。所憐辭去時。雁催春事稀。雖無春富
貴。却勝春枝危。

夢嬾

妾病雙腕弱。況當春夢薄。采花爲郎贈。十步幾
回落。持花力不勝。垂垂豈堪虐。郎何牽我袂。偃
輒不能拒。話郎指花盟。隨蝶風吹去。

拾花

誰箇惜花殘。儂拾殘花去。花亦感多情。傷心淚

爲語心粉溼瑩瑩猶帶宵來雨今日惜花人他
年落花侶紛紛秋雨時花淚彈何詐

贈郭山人

有客惠然顧如帶空山來客去山不去風泉滿
壑開我後訪此客別有奇山色忽忽仙花飛清
芬徹肌骨我問客見否客曰空無有一片白雲
來恰落松間酒

江望

烟低白門柳片水遙相望與子一盟後頓添千

里長虛負溪頭雨彫殘霞外裳昔贈蘭皋佩今
來污劒霜去風欲寄語夢冷江花光

憶宓章紀夢

一自君辭去蹤影無尋處君誠江上萍我則庭
中樹萍飄樹常在雁足君何愛使我陰幽心霧
縠風綃帶南越西秦馬繫遍垂楊下天涯旅壁
間夢筆半題寫魂斷竟莫尋況思來好音我本
舊游客桃花何避溪

贈雷秀泉

我生勞攘攘，斬有幽奇夢。予非信夢人，不信輒
神動。以夢合素心，迷根頗不重心。夢兩相吹清
風，引厓洞七情八識中。吸吸金泉控，忽笑知慧
人。乃爲夢愚弄，屏去不復思。恐作心兵鬪，此後
夢復來。總眎癡田種，是吾意中影。消息影中送
并影，且滅沒圓混無鍼縫。子非通玄士，語語何
淪痛。指點前世因，吞吐寓幽諷。如我夢神側，爾
神亦與共。夢中竝無爾，時爾何妙用。予殆非迷
者，聊且託迷衆。月影落寒淵，淵寒影亦凍。淵底

春風生輝躍，長鯨縱寄語。雙碧梧，養葉遲。感鳳
素無烟火情，久厭陳虀甕。感子一日談翼我，長
天鞚夢授三分鉛。子授七分汞，願訂海外期。疎
風演清誦，賦君之何年不永結說夢利之不休是其詩賦

古意

不與子同行，願與子同夢。隨子夢所之，定有飛
花送。花雖一瓣香，幻結春情重。但妾夢來時，君
將幻作誰。莫因妾是花，遂做妾花枝。花老枝相
棄，棄成樹下泥。明春枝上發，別是一新姿。

音麗比笙簧世誰王子晉或以方鳳鳴鳳鳴未
 經聽如彼隔船音笙鳳評難定夢熟乍驚醒玉
 漱風泉映所恨醒稍遲寥寥語將竟急起竦然
 聞止餘半語剩恍惚追其侶子絃汎音靜又恨
 吐音時老婢聲雜應知音世果希音亦自宜悵
 險無隔舟者為此夢來境

有迷

想都之

日

白雲在山下山巔復雲行奚特山之巔層層逼

青溟山下豈雲色見者目自盲君子藏至辱所
 以盲世睛極望水天混行窮界自明馳驅仰目
 眎宵光亦星精酸風落枯楊安知春內生萬錢
 珍盤最誤人志士莫戀繾綣情非是知心味總
 屬嗟來腥何味可為殮吾將兩味陳不是西山
 千古蕨唯應鮑子一盂羹

江月千萬舟一人懷一求唯彼閨中人對月共

此愁月照愁夢魂箇箇離樓頭夢行不知路隨

意吹悠悠
三星橋
欲叩三星戶
飛槎幾百年
片石行人誤
花洞風揚沙
欲度沙昏樹
醉夢接羅倒
思憩前邨住
白鳥棧雲來
如笑復如訴
知我心忡忡
迷失生來路
一響洞簫微
入肺金莖露
拭眼忽光明
半巘亦開霧
頻年野馬逐
一夕聞香悟
回首桃花天
故鄉開處處

飲馬

溪水流路旁
厄爲飲馬槽
何物馬上人
意得秋風高
俯瞰溪水急
照見頭臚焦
霜雪去芳顏
血退雄情銷
春草舞游蝶
覺我心意勞
洞壑歸白雲
帶我心飄飄

寒途

客屢心逾淡
高功一飯炊
何苦好膚髮
枯白西風泥
風起山俱夢
霜濃樹列皮
況此孱病質
能無粟堆肌
雞鷄望墟碎
日午饑獺悲
驢耳竦然立
垂鳴訴瘡痍
呵氣接嵐霧
鬚根落冰蕤
遙憶

綺樓人此時何所思
良鄉有蘇廷用者以一見偕步塏下坐語
山頭此山出火石
鄉以孟良名塏存孟良跡何處不堆塵獨此環
秀石煖步易輕絲枯楊澹春液所羨隱君子藏
名畏人識琪花豈不芬人世無香色石火胡熒
熒月明蕩空白

丙辰元日

是日檢蓬矢四五初交始壯滿衰將來海闊風

方起呼酒欲忘年所恨髮朝理髮與山霜狎霜
依髮棲止除夜請吉夢乃夢落一齒若云犬馬
齒十年又一紀可笑功名士日日勤屈指日久
爵日高一指屈一喜眎日等視讎惟恐不如駛
旣乏長繩繫反促羲和尾我竊有心期所期不
如此

天嬰旅店夜啼兒
此子胡夜啼憂腸是何觸今日且且母憂他年真
可哭豈帶蓋棺淚爲訴前生辱或以悲世人夜

夜悲不足寒熱風雨時三百六十宿參差傀儡
相絡繹貪癡慾徧贈無言聲宜無收淚目彌勒
笑嬰兒啼啼破萬古愁笑冷千秋局

寄李伯玉

羨君紫烟客執靶隨虎車貶眼攄素襟相得逾
雖渠三載如雙蒂共植桃梅菹一朝灑然去舍
情拾紅葉撫背無話言期我於方諸此期宵若
以眇眇徒愁予我懷在遐方片月開虛徐把酒
寸玉人依稀接霞裾匹馬從天來投我咫尺書

相要千古心隻語傾琪琚兩人如晤言懽忻復
歔歔君有度世訣胡以挈淪胥難脫棘中綿終
棄道旁樗爲言千里人頗領望龍嘘心期幸無
負吾亦賈殘餘

憶爾行爲馥儂

有序

我輩豈不及情者迺別況直可謂寡情
豈吾心哉惜別者勢不可留依依握手
低回眷戀不如速別譬垂死者勢不復
活奄奄一喘反覆呻吟不如速死釜魚

熱迫而旋則反若喜哀狼啼極而暗則
反若笑可憐之情有不可白於爾者作
憶爾行以自見

憶爾碧牕下深秋服輕裳援手覆爾背爲言益
新涼垂頭不能笑欲言復徬徨左右眇然盼寒
衣撫紅芳珍重此宵意有盟何所將悲風動寒
壑社燕空雕梁飛鳥戀相識人豈忘故鄉我心
逐天外撫劍徒勞傷勞傷竟何益生死復難量
超搖遠凝睇青山自蒼茫

○樂送別代小壽

送子上舟去淒風透眼骨不敢近舟邊遙傷衰
楊立舟近一瞬過稍遠餘半鐙歸來燈已盡草
堤月痕白可惜月痕新枯顏照無色

張念餘五十兼祝誕子

九華發靈雨瑞色盈焚楯主人托夷遠傲骨兼
瓌姿摩空困秋風鵠隱藏芳蕤養生有至術何
必捐縞絺玉匙守神庭何必舖松脂半世遇黃
老初艾生馨兒奕奕飛神光照社何離奇犀錢

分四坐寧獨沾瑤飴

雙雙白鷺鷁取世無邊景護月曉烟清夜宿深

盞靜睡起聽棹歌萍開啄花影莫羨冲霄姿風

光各管領箱五十兼

與凡有女行贈來君有引

○立平日與姬約而姬日病姬愈而予南行予

歸而姬嫁矣

采藥來芝田有女被霞裳清神發素襟羅襪生

紅芳顧影月欲墜臨睨飛暗香恍惚不可卽此

意空傍徨

謝志

愛子都且文未爲人所識周旋善行酒清樽映

顏色湛湛雙目晴復能檢緗帙子猶二六餘勿

用多羞澀

寄潘景升

鷓鴣畏秋色切切鳴如謫盲風吹鬢毛霏花入

羅衣星落逐人去山渺情何依寧如意而子翻

羅衣星落逐人去山渺情何依寧如意而子翻

入青雲飛入去山嶽辭何對寧收意而千
 雞林誤良夜月出埋清光歸鳥夢俱遠楊柳情
 共長有客南方來刀頭帶鉛霜挽馬問消息片
 言斷肝腸
 ○勵志行有贈
 彩劍故人贈切玉錐斷沙馬飛壯人意青尾搖
 山霞于役周星紀音絕如無家欲發千秋志莫
 顧三春花丈夫非風霜何以顏髮蒼人生最足

鄙年壯容菁芳

賭命行

人望施恩至我期施怨來報德千黃金
 貨財止有捐軀報此軀非我骸狹路逢讎士士
 避我如豺我有一壺酒挽之飲一罌我非媿子
 心勸子無疑猜士飲心肺熱誓感承不衰昔日
 捐我軀無以報涓埃今日涓埃酒令人言永懷
 自古廉藺交每從怨毒諧
 ○贈阿鳳

西津有佳人，嬾笑常斷齒。不勝金爵釵，垂垂得
風起。回身颺六銖，輕雲散千里。攀條立高岡，黃
鸝躡纖指。生愛清秋色，月光常在綺。促酒趁風
露，深坐忘肌理。激楚言上蒼，飈塵素所恥。儂無
桃李緣，涉澤尋芳芷。聽歌黃雀行，流涕不能已。
誰作捎羅人，翩翩縱飛止。

途中懷慈甫仲因

兩神通夢寐，勿悲各一天。爲我躬秣馬，感子手
加緜。千里常珮結，一樽臥芋眠。相向匪藐盼，共

此明星前

○ 夢作天邊遊，寤懷原博子。晉愚公

常夢飛上天，今日果飛上。青帝牽我裾，摘花兩
相向。諸仙皆舊識，一晤情懷暢。灑酒散輕烟，淋
漓起層浪。龍潭與虎嵯，幽險列雲幌。來往雙飛
鸞，稍異畫中狀。吾有今生交，素許有仙相。我今
天馬行，瞬息周八望。胡無一友遇，知落輪迴障。
或是地行仙，暗風走虛曠。

贈潘景升

有引

韻自壬癸二年日與景升集張園一別三
近是此易寒暑丙午春于虎丘秉燭相對時幼
天思于之薛幃徒罔侯雙之蕙帳已空千里
能晤言廬井迴隔世矣

羨子長筆才琅然灑清製晤對千古心片言展
幽翳世人苦有情相逢總霜帶唯子可與言臨
風感危砌

其二

緬懷松石下揮涕摧心肝千里故無恙樽酒論

悲懽披顏動清彩皓月來林端燠寒非所云垂
頭思季蘭

古意

一從下粧樓十遍走長廊手摘同心草可憐明
月光羅髻整且側短衣溫復涼爲撲雙蛺蝶驚
去紫妃央遊子萬里遙玉關多夜霜臨風憶驅
馬何時過瞿塘生死不可知含情刺征裳知君
沙上雁知妾曲葯房小姨采蓮歸告儂冶遊郎
蒙耳不敢聽推簾顧青棠

一自君行後經過幾斷腸
 偶逢書一至手戰喜
 為狂持緘開復合百遍走迴廊
 惟恐讀易盡徐
 徐不敢忙每讀半行許
 書長讀兩行指摹書畫
 好鼻嗅墨痕香借因思入夢
 臥來枕底藏
 悲切玉
 別子彩雲飛悠然淡千里
 一去不可尋清寃夢
 不已頓足無人處回身暗風起
 好去莫怨嗟佳
 人自應爾

春盡

愁醒更愁夢送君兼送春
 春行君更疾君行春
 後塵藏春入懷袖春欣得所親
 君胡帶春去留
 我悲蕭辰

送北游客

秋風迫行李馬前鬱山花慨慷
 意氣壯晴嵐鬪
 才華迤狐避道側寶劔揮明霞
 疎密兩岍樹杯
 前天一涯

古意

古意

自效集 卷一
妾意鳩鷓鳥秋至聲何切君情嶺上雲目極虛
中滅躍馬萬里去腥濺刀頭血莫誇一戰功
功去鏢亦絕

手藉代贈

君心無點瑕願常如此白君身無遠疎願常如
此密君情無解散願常如此織可憐一片絲剪
斷不成匹

柬二

吾邑有仙吏雄奇出宛洛氣槩旣疎峻心襟復

澄豁秋肅震狐鼠神才逼岑嶸揮塵掃煩務談
笑走飛藿上館邑人士枋鷄附緱鶴衰腐裒芳
醕愛日煦寒籜納響有明誠清風拂林薄寵命
自今始名聲動天末

其二

撫劒獨慷慨停杯復投箸廳徑泥行邁鄣顏閔
乖選才華愧仲宣倒屣辱禮數傾蓋千古情
眼授心慄河陽羣葩發援手撫荷芋埏埴桃梅
菹宛轉登秋步蕭艾起枯壑澹沲飲金露壯士

賈鈍礪實首酬知遇

題蘭別古白二首

蘭乎果欲去分我瓶一枝同根猶可分同心奈何離瓶水分江滴分時亦足悲相悲自相愛莫令無根危

其二

蘭將舍我去蘭香欲何吹吹去河之汾笑我江之離江離勿相笑心儔非爾知琅琅千里風渺渺何容辭

舟中述

雨散烟朗朗氣煖人醺醺岍樹住還走點鷗互復分蠅紛命脂遠蘭美停香焚明波舞簾繡高凡飛山羣鳥聲古佳句魚旋奇草文日渴亟飲海意遠思乘雲彼美何人斯我懷對誰云

兩來船

來帆復呼風不知去縉苦及是去來船船子同門戶問彼何薄情彼云互鼠虎旣苦風與波寧復肺與腑君亦風波中試際江之滸聊復呼天

風波窮竟何補
風波中
題顧振溪尋隱圖
開畫何所見
先見青山巔
孤亭渺天畔
疎雲澹秋妍
漸見山之隈
屋樹鬢相連
野鳥餐柏實
空邨鬱松烟
山人喜帝都
牧兒席牛眠
青山非罕物
難乎有山緣
顧君軒冕客
悠然習臞禪
青髮酬知遇
白鴉養元田
畫此列清供
聊以祛俗羶
未卽入山水
山水常在前
予見此圖景
宛如舊遊然
與圖旣相識
與君遂忘年
披圖望君笑
翩

翩吾欲仙詩

壽孫貞媛查氏

邈矣查令娃
生長貧士家
所天亦貧士
惜乎才則奢
才奢命何天
父貧年復老
毀容誓以終
艱苦同食蓼
素帷二十年
悲風泣寒蟬
枕上積雙淚
橐中無一錢
凡彼未亡人
倚子終厥身
如君竟奚倚
舉面聞無親
依棲老貧父
父愛亦莫助
家無半畝宮
寒暑不出戶
貞媛世所有
君則誰其醜
天平抑人乎
酬君以多壽

中無一途以始中
 等同介參素
 損會下發令
 臨吾岩山既相識與君遂忘年披圖望君笑
 新河真數查丹在前予見此圖景宛如舊
 食父父樂亦真
 何于孫照也
 其母以本
 其母以本

七言古詩

○ 雨中登虎丘

寫雨景亦脫亦有

小艇噤吟酌飛羽
 兩人大醉相對舞
 一呵四面起濃雲
 灑出淋漓滿山雨
 我見珍寶踉蹌到人
 見刀鎗不敢冒
 眾人見我胡盧笑
 我亦適然笑人笑
 登山恍覩生公蹟
 茫然不認千人石
 青天白日皆無光
 萬壑千崖盡有色
 棲鳥咽聲不敢啼
 密陰松底彈圍碁
 和靖書臺得幽爽
 闔閭泉墓始慘淒
 樓頭殿角蒙烟冥
 珮環響杳唯鐘鈴

自好集 卷一 三十七
常恐雨歇衆人至、忙遊去屐衣榮榮、努目金剛
變色浴水蛙僧忽雅逸、林木盡見本來面、山頭
洗出天然骨、醉起復醉醉還起、坐聽淙淙政未
已、木葉芭蕉沸耳鳴、嘈然執樂三千指

中秋懷子宓

有引

中秋前後十日大雨、雨中帶笠登虎丘
是夜新霽見月、坐石行酒、忽有所懷、黯
然者久之

八月初五月如醒、懵懵數日猶不醒、我來虎丘

一大叫、娟魄幾死得復生、腫隴漸出東、高隅山
樹離離幽且清、遊人數百如塵來、折花遞送飛
雕甍、柏梁盡罷鴛鴦夢、鳳釵龍佩何鬢鬢、此夕
不必王司馬、欹冠據石多風情、吾目不遠又月
下澹蛾、雪面皆瓊英、聲律不閑且深夜、笙歌俱
出夫容城、衆人歡呼我咄喏、悠然惟覺秋蛩鳴
千里與卿共、此月此月不共吾與卿
○ 劉受初立夏日山中一宿而去
五載相思萬重積、月華遞夢千山寂、夢午邀君

君果來。果來恨是春歸日。蚤起送春春不去。臨
去依依贈相識。日日離愁薄命春。一解離愁春
去迎。賣去春光買故人。一刻千金買難得。山中
相對山無言。此日看山更蒼碧。爲君花下傾斗
酒。斗酒傾情五湖窄。君不飲莫嗟惜。千里樽前
須努力。何處豐茸奪秀亭。咿鳴催去雲中笛。銜
風灑別勿言淚。霑衣空翠林間溼。

齊王孫水竹居

幽艷中帶筆練

小結齋居題水竹。秦淮鬧渡成空谷。楚楚風前

立少年。蕭蕭檻外彈清筑。碧葉翻書舞篆文。粉
枝滴暈滋牙軸。往還翠鳥流圓紗。素潔青童具
野菡。水依楊柳情自偏。雨得芭蕉韻相屬。笙簫
畫艇颺雙鬢。屏几冰綃挂六幅。座多國士祛榻
塵。草擁王孫滿階綠。照骨瓠環酬短歌。刻詩簾
押催官燭。浣花紅瓣濯霞裾。焚麝輕烟飛霧縠。
墨彩紛披紫石潭。情豪寄托青州麴。上林色借
何蕭蔘。花萼香吹轉芬馥。野人竝得嘗君羹。故
識無妨加帝腹。

無夢偈東從實師 有序

無酒昏神、迺忽生夢、無物攪睡、迺忽還醒、忽一醒來、此身不識是公卿、是乞丐、忽一夢去、此身不識作螻螿、作神仙、從想結意、從意結形、然想固多夢、夢或想外者、因牛見馬、因馬見蓋、然夢不盡、因因反無夢者、言語怒笑、便即夢魄、否顛倒飛揚、便即醒境、否未知死、只緣未知生、則未知夢、當是未知醒、迺作夢偈

一夜夢爾爾夢我爾我夢中必不同、儻有萬人夢爾我爾我對人必萬狀、及至爾我相夢時、或萬人中無一遇、豈彼萬人無一魂、爾我兩人有萬魄、爾我萬人倒轉看、無一有萬復如是

○復渡金山與慈航臨江對月

六載相思指一彈、千山夢隔江漫漫、相對相驚復相笑、鬚眉頭顱俱改觀、少年雄心半忘去、難忘富貴因所歡、奇懷何事道寒燠、世外姑勿談波瀾、江天極目了無辨、山色雲氣交相蟠、白影

空中大如豆如鷗如鷺飛翩翩兩人深坐忘肌
理朗然皓月來雲端倒懸萬丈文犀劍。斲斷碧
空秋水寒。

同汝章原博文綬坐平遠堂

風扶兩腋臨高臺狂吟噴露銷芳埃分付雲霞
更爛熳美人在懷尊酒開斜斜整整琅玕杪堆
堆索索石稜小童子相呼萬壑傳數羣鳥影歸
空窅我將揚杯滌太清夷然談謔開奇情四圍
極目喜無礙猶恨遠山一帶橫溪光擁起能翻

坐笑展桃笙張紫邏美人薄醉歌清商拂衣欲
上明月墮

爲岫雲舅招魂

大塊一抔土人生藏其中生一土中夢夢一土
中蟲蠹穴有餘地甌石謀心胸縱積太倉粟難
期百歲春爭爲兒孫効牛馬兒孫視作馬牛功
功出自人人知感牛馬功勞誰記忠君無子孫
因客死死客非皆無後翁子孫帷蓋埋狗馬旣
得帷蓋他何庸原是土蟲復歸土何須辨別土

西東生慙貧賤誓不返才固無能志自雄他人
富貴夢中樂夢醒回思雙手空君但一宵無好
夢雙手今於富貴同今既富貴可以歸歸計無
難一片風心竟骸骨原非屬莫因遺骨羈魂踪
○ 郭璞墓望江雲膚寸而散如海鷗鳥

郭公墓口江波漩百折江波墓口嘯潮平石靜
草漪靡寂寂清魂如可見揚樽慷慨情無限風
輕五兩歸人倦晴雲一片起空山白鷗萬點飛
江面

歲朝

歲朝人人俱試筆我亦搜索詩人脾張膽欲作
風雲語胸中苦乏豪傑思我有幽懷寄囊楮此
日又禁哀惋辭半日躊躇竟焚研大家共醉瓠
子卮

送楊將軍

羨君羨君擁牙旗羨君羨君橫犀毗左旃一舉
乘赤豹復虛右席兼文狸願君焚卻埋輪辭願
君製得歡喜詩歡喜歡喜明王詔離愁離愁故

人思長揖送君醉上馬還憶當年干策時
晏如居士歌

長洲亦有陳仲子自號晏如居南里可笑肉眼
不識人共指里中晏如爾晏如亦自謂平常我
謂晏如非常士我輒揚揚見晏如頽然自覺形
骸穢晏如室中虛無物一片明窓一張几寒熱
風雨不出門鵲尾爐前讀子史讀至子長倉公
傳拍手歎曰技至此尼父執御我安執我之所
執今日始禮拜倉公為導師倉公受之為弟子

弟子不必不如師三月秕糠化精芑晏如本自
貴介兒視已貴介如垢屣一生漠然無所好但
好日高不梳洗與常在酒酌無多有時迂燭飲
不已退然鎖口衣不勝慷慨逼人輒疊疊人問
胡為號晏如我識晏如號所以晏如固自平常
人測彼胸懷無涯涘

雪中與古白游馬鞍山
船中一夜聞飄蕭起看舞雪何天韶
若塵土千家瓦礫皆瓊瑤天有狂風吾有友風

起驚濤吾有酒。翰動如飛筆有神。滿天風雪皆
隨走。沈滲沈滲兮。狂風益翻瀾。幾欲傾舟膽不
寒。盡日不見崑山到。推簾極目如泥丸。泥丸如
豆。忽如拳拳。忽如斗。知崑山崑山固是小塊壘。
近看此山山亦偉。山頭大小無數石。竄立有拜
如奇鬼。踏奇鬼。登穹崇。婁江盡在酒杯中。酒杯
自大婁江小。吸盡婁江無醉容。興盡下山忽已
暮。山色漸解琅玕樹。水面晴雲似白鷗。天風又
送人歸去。

自娛集卷之二

長洲俞琬綸君宣著

五言律詩

虎丘五賢臺坐月

此夜停歌吹。飛濤雜樹鳴。酒淮供傲骨。陌綺護
芳名。濡筆灑空翠。解衣藏太清。風流如往昔。肯
與共高情。

訪小四

晴靄溪光發。橋西一逕通。問緣窺玉案。尋夢入

珠宮花落。臘脂雨。琴翻峽蝶風。任他迷渡口。無
意覓歸鴻。

述夢

汝是離魂女。如逢夜渡孃。好緣催夢合。何物肯
情降。半臂凝紅玉。全衾護粉香。多情已多恨。勞
汝益愁腸。

感孟珠二首

遍覓舊遊地。淒涼無過茲。病人多恨處。死者正
芳時。難合鴛鴦夢。無言鸚鵡悲。歸來秋月好。寒

影特相隨

栽得春花好。其如春老何。生前爭色笑。人去獨
悲歌。對面重泉約。含情一蹀過。世緣君已謝。畱
我任風波。

錢功父

一片煙霞骨。生無世上塵。才名誠國士。談詭有
詩神。梅色寒塘古。松心子月真。忘機隨是侶。何
必問吾親。

懷慈甫

惜別谿橋下、睽違復幾旬。有愁春黯澹，獨酌酒
逡巡。戶外交方語，牀頭夢故人。西山草已綠，朋
侶促頻頻。寒泉漱石，山月真如，對影長吁。
○同慈甫過竹亭，是時將別，彼此愴然。讀
山晚禪堂靜，客來宿鳥啼。月痕高樹杪，梅影畫
牕西。語寂壚泉沸，歌殘石徑淒。良宵頻換燭，別
恨不須提。

又改前六語。山晚禪堂靜，陰寒滿竹谿。鑠煙
林半沒，報客鳥驚啼。雨寂聽茶沸，歌高入徑

淒

改不如前否

有懷

花事從春了，愁懷與子分。篆煙疑舞袖，鳥影亂
書文。情遠呼歡伯，詩成對此君。醉來千里夢，仰
面送流雲。

別錢九淵

交久驚言別，情深畏問還。匆忙行客意，慘淡主
人顏。月落龜俱黯，雲漫淚亦潛。班荆無限恨，明
日隔寒山。

贈楊綬

草陌畱春宴。清尊對素娥。亂英隨坐落。笑語恰涼過。剪水酌歌筵。欹冠枕繡羅。卻愁來夢杳。奈若此鄉何。

歸度金山

巨浪迎吾棹。蘆梢掠水閒。野鷗空影落。行客慢歌還。夢托澗溟外。身疑霄漢間。半舟香霧遠。想已過金山。

過栖霞

極目栖霞在。層臺貼水平。江波千頃合。煙雨一舟橫。野鳥懷沙度。青山伴客行。浩歌追往昔。慵向石頭城。

壽劉山客

與君共淪落。行樂且隨春。樹鳥能供語。谿桃爲布茵。面山于世隔。對酒覺吾親。只嫌多識字。難許葛天民。

郊外遇故人

別久叙情長。鋪英衆草香。鳩聲催雨急。松影拂

衣涼晚食餐魚婢。邨酤醉酒孃。細聽僮輩語。亦
解說衷腸。

○與譚文長晚坐昭關

散髮坐昭關。居人招渡閒。勢吞鯨背浪。雄夾虎
鎮山。雲氣天門合。蘆聲漢使還。奇懷無可道。聊
與共疎頑。

澤雄高卓

集劉子真齋遇徐姬

乍對不相識。徐思似有情。杯前交一面。花底戀
雙睛。倥偬驚新態。含胡問舊名。影寒冬夜燭。牕

○黃雨石南山祠

芸暉栽插萬松岡。題滿名詩事紀唐。垣守建康
堂有美。氏從江夏國無雙。千秋風月人猶昨。奕
世茨梁草益芳。香火南山神物護。時時鸞馭接
雲莊。

○○虎丘夜歸

載酒狂歌喜漫游。羅衣初試怯風颺。白雲吞吐
千林月。碧水浮沈十里樓。隔岬火光傳伎面。挂
墻花影亂魚鈎。投杯欲作閭丘計。不是隨行到

虎丘

○ 曲水草堂贈侯雙

一亭曲水遶紅裙。醉發狂言惠紫雲。滿坐花英
緣爾墜。半簾月色借誰分。無煩學態腰能舞。未
必通書語自文。莫問風情會解釋。共將杯酒費
殷勤。

○ 送陳玉海

燈前如夢接殷勤。夢醒還添別恨新。水逐片帆
分夜月。酒翻雙淚濕文茵。多君禮樂追先輩。媿

我弓裘俟後人。自是休文文弱士。風華偏稱作
儒臣。

○ 懷遠

昔年君向月中遊。今日懷君已麥秋。片片海雲
迷夜渡。紛紛花雨亂人愁。五更遞報占風鐸。千
騎飛來督恨郵。自是心期天外遠。風光不敢問
皇州。

○ 江風感

長天白浪起須臾。亂沸空中雁一驅。閨月暗隨

帆去處房雲停與夢躊躇枕吹萬里瓊瓏玉淚
湧千年纓絡珠可恨風波綠未已秋山何似一
身癯

○喜碧來

默坐遲君半里遙好風飛度玉春嬌
牕前賀喜翩翩燕谿外迷人處處橋
貼水新荷搖淺碧傍簷舞柳戲清蕭
臨行宛約施檀髻爲問紅芳幾日消

子秋習禪

爲亂草晞

○寄金際之

相約梅花後相思過海棠清風傳錦字
細雨望牙檣伎閣香餘暖西山色正蒼
知君尋友夢把酒問吳昌

舟中夜別

兩水分何急寒林一望斜沅湘沉夜月
簾薄灑春花濁酒催人夢離情逐槩牙
莫言千里隔相對已天涯

秋怨

秋到愁懷甚飛花達暮朝酒春羞暈頰歌韻怯
風腰繡被和香卷疎燈背影挑牕前時破夢樹
隙響刁調

夜坐

獨坐禪林爽蕭梢歎寡儔亂蛩賡夜讀孤雁數
更籌月夢千山遞雲心一水浮欲求逃恨處不
數醉鄉侯

答顧三

交情非落落蹤跡恨紛紛十日聯中聖三秋半
夢君迴腸環似月往事疾於雲桃竹頻勞贈盈
笥錦繡文

贈倪仰山

相逢方恨晚知我若平生客久鬚眉古交疎肝
膽傾君非能眼慧人自有心盲物色風塵裏誰
懷千古情

吾品不自辨君能識我真膏肓多笑疾肺腑有
清神落拓人能恕迂疎意自親相期襟槩遠呼

酒脫綸巾

○ 緜園

史氏

冶游兼撫昔惻惻意何長鶴去示僊影劍埋留
古光花風吹綺繡琴壁響篳篥不道煙塵裏清
妍一故鄉

齊饑

急行惜疲馬停鞞歎居人千里煙虛突平沙晚
遍燐藏爨無白草歸雁泣寒圍可得天高處臨
風一損神

○ 新城雪道曉行

平野江光寂寒飛劍色雄月裳鴻帶遠雲絡馬
行空墟落垂珠樹胡妝倚玉籠莫愁塵境苦今
已在崆峒

○ 王子顯別後

惜乎人意渺歸也雁分行夢魄吹還月秋情逐
去雲遠書欣欲見病況苦相聞日日常如醉非
關寄夕醺

○ 古伐樹

古伐樹

絕古千行柳何官植道旁若爲儲大用今得濟
奇荒皮葉當南畝椽株送北邙若非經翦伐何
以識甘棠如海長流苦休問日日當收轄非
○曾平家園樂補山銀令竹夢湖入法凡絲靜
家住河橋左春風柳萬條對雲心欲上開卷目
辭勞如夢吹檐馬懷仙看紙鷁郊游正有約牕
雨寂芭蕉垂衣樹地然命正歸真然聖樂苦今

○世余峰同飲釣鼇亭兼志茆山之別雲絲
亭在鼇何在千年釣不休濤光星餌動增影月

鍼浮膾出江妃手酤來海市頭送君分一箸直
飽到浮丘

歸途風雨

陰晴俱有故勿作偶然猜勇退雲霞起違初風
雨來病途拚舊骨春事愧吾懷合日猶堪慟前
行又釣臺

○壽徐日方

日方去故里廢故園灑然作秣陵人疎
植竹樹小構池塘竹樹疎喜無白鷺池

塘小喜無驚波長日枕書通宵換跋青
衣勸酒白練徵詞胸中殆不可測

始作長于客風波歷已多陶情三昧酒慨世五
噫歌雲物題詩帶豪華擲影娥平生性夷遠非
以傲煙蘿

促朱亭玉

喜母蛛也
野娥蝶也

我欲探君病其如亦病何遣懷吟輒罷索醉飲
無多報客看喜母尋花問野娥心期雖有日良
晤莫蹉跎

李二華小照

酷似先君子風流絕代無文章多笑謔骨相亦
清孤日醉羣書圃閒評十客圖其誰能與匹當
作晉人呼

海棠

獨立欄干外多君共暮朝歲蕤憐並鵲宛戀約
雙翹醉月愁來醒畱風病益嬌一從歌舞去誰
復念無聊

感焦家玉蘭

去歲新栽得，今年已過墻。枕邊偷遠夢，牕外立
嬌香。戀月枝枝，畫垂風色。色涼有開，應有落何
惜剪春忙。

北客春晚

花催三月盡，山際白雲漫。密樹藏期約，輕風送
所歡。人言隨塞遠，鳥語憶江寒。極目高樓望，飄

飄雙舞鸞

別印六二首

三年不見汝儼作小摩尼。固是青霞骨，猶然白

玉姿。演琴雙燕舞，坐雨百花垂。可恨秋風動，蕭
疎江有離。

促膝談前事，三秋紀夢長。山透琴韻轉，牕暗竹
陰涼。小鳥含芳，蘆輕雲落素裳。好緣如可再，祈
盡紫茸香。

五芳去

交澹情無已，臨岐首欲垂。空閨憐影處，夜雨夢
君時。樹外看山盡，蘆邊與雁期。兩心唯自解，無
處說相思。

楊柳枝贈朱太玉

不爭桃李色。偏助賞花天。葉葉含風笑。條條帶
雨暝。魚疑垂釣線。鷗得襯沙綿。日惹無情惱。驪
歌唱水邊。

秋葉夜棹別慈少

秋葉辭柯去。輕風送客稀。醉花香入酒。坐月冷
催衣。意托冥鴻遠。情憐飛鳥依。一聲歌闕後。慷
慨事多違。

悼范七

七纔十二歲。麗色妍態已。壓倒名下真。
花中金步搖也。予一與識面。即往攝山。
秋初復訪之。而七已死矣。施肩吾但看

日及花。唯是朝可憐。已足淒感。迺未
流而盡已罷。又不止如薜華也。

尋夢江天遠。招魂淮水頭。昔時多一見。此日得
千愁。媚眼空留月。花容蚤謝秋。寄言歸去燕。莫
想舊時樓。

詠月

哀猿啼處處千里鬱茫茫刻影花情亂含情笛
 意長借風窺繡榻扶夢出紗牕畢竟無情物催
 人速斷腸空爾且許春容盡惜春言難去燕
 慈航雲谷言念六載矣丙午復渡江相對
 聲價猶如昨鬚眉已偉然素樽千載夢片語半
 江煙度世求真訣看花間少年盤紆數往事雲
 影自孤懸

山間

醉葉空庭亂悲禽遠樹催
 雜詩題秀石總帳結

瓊苔山半橫煙帶亭西曲
 水迴釀成得意酒何日
 美人來

與倪馴之集在歌館

自信多邪癖知君解佩萸
 笑回暝柳夢春鎖畫屏
 紆看帽思投槿聽歌想綴珠
 醉攜香滿袖日落上蝦鬚

癸卯雨花臺遠眺懷幼子

因竹看山鳥相思政落英
 雨花吾地月曲水異鄉情
 思渴途加遠神飛夢亦輕
 登高憑望處日

日得壽聲

○燕子磯

漢室英雄事。秦淮黯淡秋。波濤江咽口。煙雨石籠頭。古樹傳猿嘯。懸厓釣客愁。遙看雲數片。冉冉落蘇州。

○客燕

流光看冉冉。草木已春酣。歌齒風無緒。愁腸苦自含。人言俱塞北。鳥語獨江南。莫向前溪度。陰森不可探。

○清明日西山道中

此日遊春莫。山輿夾岸呼。酒帘邨市密。蒿徑紙錢鋪。花氣籠魚鳥。人煙逐鼠狐。歸來疑雨過。聚淚濕蘼蕪。

○渡江望方山一帶

風疾帆揚半。飄飄御六騶。樹欣新沐雨。雁識舊棲洲。峭壁銜霞赤。奔濤抱玉浮。追思疇昔事。呼酒讀離憂。

○飲木末亭紫薇下

初得秋光好，登臨物色饒。入懷風與月，遇飲畫
連宵。小鳥銜香，舊名花著紫，綃高情應寡。調每
欲委山椒。

新識俞羽侯

窮愁逢雅客，相對任吾真。調叶敲歌扇，神飛落
醉巾。書空雲潑墨，席地草鋪茵。偏趁風波好，天
容作浪人。

與徐子

憶昔分俎兩，何緣見所欽。擁爐寒夜語，秉燭夢

中心。鞦韆得離弦，箭牀餘纏臂。金分陰真可惜，莫
厭酒杯深。

燕子磯夜坐

夜坐獨呼酒，清餘燕子磯。浪紋和月卷，山影帶
霞飛。雁落深蘆暗，魚濺暖浪肥。歸帆吹片片，天
外舞雲衣。

有悼二首

共帶當年約，君胡先我歸。媚花含唾石，舞柳泣
容璣。人字雲中草，魂香枕上依。風光如有意，肯

許一羣飛
憶別當秋暮相悲及瘦年因緣誰問杵狼籍有
遺鈿麗曲山頭響雲裳水底眠縱遊天外去何
處挾飛僊

子秋入禪
羨爾回頭蚤青泥忽作蓮因空能厭色觸味已
通玄醉少風流坐情餘文字禪溫柔鄉欲老還
訂白雲緣

寄友人

一從別爾後聊寄一枝巢夢少因無事情濃爲
淡交深杯能具款長缺耻鳴鞘非愛堰蜓樂其
如嬾解嘲

黎花

獨立斜欄外嬌慵倚石幢鎖枝辭宿鳥含意入
疎牕先雪流香韻臨風綴薄妝昔年曾對飲今
日更情長

懷歸

風光久矣負僧諾此何期故是霞心遠同誰鶴

骨奇自來收棘刺，好去結茱萸。最可分陰惜，飛花經意時。

春歸夜

安寐忽驚醒，三更春去初。明知年易過，其奈刻難疎。花繡征衣懶，雲籠步障疏。推牕君已去，杯露滴蟾蜍。

贈某師

何心顧蠲忿，此念在忘憂。舉世無青目，吾師尚黑頭。馬嘔天易曉，時讓我先秋。敢絕長安望，樓

西水井流

感別

二十年前路，三千里外情。翠塗塵樹老，淚洗夕陽明。裝薄雲來贈，山長夢背行。最憐飛倦鳥，何處不下下。是莫愁客愁，無數泊湖頭。陰陰翠遠

南歸客

長路與猶堪，雖長友二三。異花吹樹樹，方語譯

南商。○勝陽道上

骨奇自來收棘刺，好去結莢茨。最可分陰惜，飛花經意時。

夏春歸夜

安寐忽驚醒，三更春去初。明知年易過，其奈刻難疎。花繡征衣懶，雲籠步障疏。推牕君已去，杯露滴蟾蜍。

贈某師

何心顧蠲忿，此念在忘憂。舉世無青目，吾師尚黑頭。馬嘖天易曉，時讓我先秋。敢絕長安望，樓

西水井流之三

感別

二十年前路，三千里外情。翠塗塵樹老，淚洗夕陽明。裝薄雲來贈，山長夢背行。最憐飛倦鳥，何處不丁丁。是莫愁容愁，無數泊湖頭。陰陰翠遠，何家稱歸客。聲凄甚處，橫樁樹破鴛鴦殘。夢雨寒長路，興猶堪。雖長友二三，異花吹樹樹。方語譯謫謫，匹馬雲千嶺。叢林僧一龕，風光看不盡。隨筆寄江南道上。

華香玉南收棘刺好去結芳茨最可分陰愷飛
離離四馬雲千巖叢林曾一翕風光昏不盡
身却與餘樹蠶身丈二三異於知樹樹不語畢
安寐倦觀容三更春去初明知半易過其奈刻
處不下下編征衣懶雲籠步障疏推牕君已去杯
闕用榮華雲來觀山身夢背竹最對飛對鳥何
二十年南望三千里水澗翠壑壘樹步或或
何心颯眼念此念在忘憂舉世無青目吾師尚
西水北燕天易時時讓秋敢絕長安望樓

自娛集卷之三

長洲俞琬綸君宣著

七言律詩

莫愁湖飲別

此渡空傳是莫愁。客愁無數泊湖頭。陰陰翠遠
何家樹。忽忽聲淒甚。處處樓。枕破鴛鴦殘。夢雨竿
分。鸚鵡一江秋。曉來欲滯西歸楫。共說東風不
可留。

滕陽道上

翩翩雙轡友人俱。景物相違二載餘。馬上品題
奇。相樹碑間逢讀少年書。山沉沙磧雲何在。雁
逼人寒月自如何。日清風眠碧落蘆舟不釣紫
金魚。

○過孟嘗君養士碑

欲弔三千無一客。纍纍新骨滿荒埃。若令公子
今還在。此骨誰非雞犬材。殘食已隨珠履去。豪
風猶挾紙錢來。聽何碑下啾啾響。陰雨黃昏鬼
乞哀。

○新城雪道曉行

匹馬長驅曳素煙。柳綿梅片滿林開。點紅來遠
知爲鶴。織翠浮空或是山。萬頃玉沙書鳥跡。層
霄銀闕擬天顏。計程今夕高堂夢。靜野寒靴月
一彎。

○曉征

一聲愁雁過江灘。莫訴征人行路難。籬落掛星
雞塞寂。樹頭吹感馬鬃寒。玉樓賦夢雲猶在。瓊
騎團沙月未殘。曾憶相期湖水上。可堪橫笛弄

江干。心代未幾。曾身時。臨臨本。上。西。家。對。當。未。
。寒。瓊。花。臺。夜。飲。酒。樂。未。盡。知。幾。雲。合。山。對。
相。晤。情。濃。夜。未。闌。風。吹。狂。興。入。雲。端。鐘。聲。宵。渺。
天。邊。落。樹。色。依。稀。屋。外。盤。月。作。連。姻。供。睡。穩。花。
爲。小。婢。勸。杯。乾。忽。聞。響。出。空。山。外。何。處。雙。雙。和。
紫。鸞。關。鎖。天。情。信。野。今。夕。高。堂。夢。轉。世。來。神。且。
賦。壽。八。十。翁。空。對。長。山。落。日。正。夕。書。鳥。相。風。
門。前。荒。野。接。春。波。睡。美。應。誇。安。樂。窩。禮。數。不。繩。
能。嘯。傲。塵。鞅。無。繫。得。婆。娑。年。年。詩。癖。吟。猶。懶。日。

日酒狂酌未多。幻世浮塵看已盡。偶將一笑托
煙蘿。

途寄蓋玉

一年履歷半山湖。逐日情悰托酒徒。別後荷花
開也未。寄來桃竹寫曾無。千聲塞雁銜風遠。一
片江雲度影孤。回首嘯歌憑一夢。蕭蕭煙雨宿
菰蘆。

靈巖女

卜居恰傍館娃宮。宛轉橋邊一徑通。百疊水紋

自如集 卷三 三
旋月白幾枝花影入溪紅淺斟綠酒分蘭露小
樣青衫稱柳風始信仙緣非浪說人間多自有
奇逢

○○三賢堂

三賢堂上坐凝暉堂下雙懸黃鶴磯粉蝶颺風
飄碎玉綠荷承水弄明璣秋生竹底斟螺髻月
滿簷前卷伎衣散髮不聞山外事今朝喜與世
相違

憶玉如

昔年竟體貼芳蘭今日徒珍錦繡端滿舌潮甘
消病渴雙睛淚飽向誰彈千金共惜奔宵馬一
顧悲鳴照鏡鸞漢贖文姬真盛事氣豪難洗舊
儒酸

○○柬維揚徐茗玉二首

湖煙漠漠雨漫漫一水相思問渡難到得醒來
猶是夢元非愁處不成歡晚鍾僧散林陰寂素
壁宵分燭影寒滿逕落花吹恨去一杯蘭露獨
盤桓

素昧生平夢已通。芳顏大略可相同。棲雲不返
天邊鶴。邀笛空來鏡裏鴻。鄣目山山多樹樹。愁
人雨雨亦風風。君歸莫渡南泠水。流去桃花幾
處紅。

題弘濟寺

湖光收得滿秋衣。才怯思將急手揮。細浪躍隨
輕鳥上。破雲忙卷亂山飛。鐘鏃十里風前鐵。砧
杵千家月下磯。只恨有期人不至。思歸非爲鱖
魚肥。

雨復交橫

棣棠

花色猶如昨。低枝漸出牆。趁風忙度影。帶雨欲
畱香。寂寂春誰買。娟娟意可傷。去人飄泊處。比
汝更淒涼。

籠統未貼切

小翻醉

年少多癡態。情來醉若耶。歲蕤羅髻側。和夢倚
闌斜。兩腋春風柳。雙頤玉洞花。翩翩雲際渺。欲
借掛星查。

席上

僦坐明軒下、楊枝拂面吹。旣逢能飲客、更得有
情姬。慧鳥偏銜蕊、輕雲恰過溪。遠山皆入坐、滿
目送新詩。

風蘭

儷曲天成態、春風引佩長。寄空懸蝶夢、倒水混
魚忙。葉葉宜飛雨、枝枝向落陽。門前渾不見、入
徑忽聞香。

日午過陸姬姬猶擁被未起也

過問君何况、新蠅繞戶飛。素綯知曙晚、霓蓐得
寒微。好事初離夢、薰風幾促衣。君知墻外否、花
柳正芳菲。

友餞

良晤應難再、相逢且破顏。泉催花逝壑、鳥喜客
歸山。好景閒中會、遊思醉後還。程途不可算、把
手入前灣。

戊申除夕

過歲真如夢、明朝復夢初。徑無東郭履、遽是漆

自妙集 卷二
園廬客去餘殘釀貧來惜費書人人欣送臘我
意獨躊躇

江行

一葉飛江去移時渡十洲雲根垂芾幕屋脚舞
琳球捉風易搏鳥破濤疑狎鷗橫江來返照偏
枕玉虹流

與文彩

別製我芰荷衣竟夢飛轡遠江潮利
楫肥月隨流水去秋伴客愁歸贏得多情妾能

愛河今始脫沉埋秋蝶春禽莫浪猜真葉直從
空果會琪花肯爲助清開旃檀座上求羅筏瓔
珞幢前作辯才指點不須彈鉢水前身元自月
光來
昔年曾携孟珠登燕子磯坐石臺俯江流
醉夢嘯歌者數日今復登此臺感而欲泣
卽下舟去

當年曾是避風臺是人非萬壑哀水面絮雲
疑浪疊杯前明月動人懷良辰半向愁時去好

句多從夢裏來。一望幽沈千里色。清魂何處托
浮埃。曾長幾。風臺臺。是人非。萬壑哀。水面紫雲

有贈丹去

晚風漾水。山花落。朱樓何處吹。闌弱。一樹葦。綃
皺綠漪。龍愁秀髮。雙翹約。杯間玉。鏢語鶯流絃。
上丹纖。嬌燕掠。酒醒隨風倦。徒蘭輕。花細雨飛
來。着。前。紅。綺。木。許。堪。不。貶。戰。桂。木。前。良。亦。自。凡。

薄暮新月。為與。前。則。微。幽。山。未。銀。外。幾
微微。初月雜餘燠。竹上梅梢止。一分碧。案斜懸

織玉鏡。青山徐度。一絲雲。浮來千里。鷺毛東飛
上雙鈞。柳葉文。太液歸風。歌曲罷。天邊畱得繫
仙羣。

子秋

一葉梧桐起夜涼。半簾花雨畫瀟湘。雙睛款出
燕華慧。滿坐驚看杜牧狂。粒粒珠歌人語寂。熒
熒燐蠟酒杯忙。問伊解得情幾許。肯挽羅衣借
嫩香。

憶秋華喜。惠王入。一曲。巖山。香。河。身。會。

題滿縑細醉百場。玉人一曲舞山香。可堪良會
 更榆莢。每遇佳辰罷詠觴。憶爾長干頻入夢。問
 君、昌闔幾迴腸。空江隔斷春來信。南陌風吹草
 不芳。

節兒新破瓜。以襟帶索題戲書此。
 六街蕭鼓正喧闐。初月今朝一線添。睡去烏衣
 驚玉剪。鬪來宵燭混。朱簾香綃染。處紅餘白翠
 黛攢來苦未甜。阿姊當年曾似此。從他戲汝不
 須嫌。

除夜泊淮陰朱侯適亦同船相對驚快朱
 出梅花酒縱飲三日迺別

此時結勝大家忙。相對鐙前話故鄉。畱歲枕餘
 須刻夢。報春瓶有一枝香。加餐人遠頻投箸。橫
 槩情豪更舉觴。欲禱旃檀神是客。遂巡嬾與說
 衷腸。

右除夕

天涯今始作波臣。景物如常事轉新。杯酌梅花
 吾地酒。岼堆松燼客年薪。風塵未老占清夢。淮
 水多情遇故人。願止高堂拈手線。扁舟載得有

餘春

右元旦

梅側有樓外祖所居處

看來一帶絮雲垂十樹梅花映小池白髮老人

情更淡素心居士骨偏奇花多恰好寒輕日樹

少連逢酒富時禁用隴頭橫笛事沉吟半晌不

成詩

○答攝山淨持子從實時讀書天開巖

性癖偏宜客侶單一枝籐杖獨婆跚門深雲護

千林寂巖曲天開五月寒萬法且從身外了一

鐙還向箇中看自占半枕清宵夢始識前生學

止觀

長洲俞琬綸君宣著

五言排律

庚子過惠山憇漪瀾亭懷僊樓及謁諸賢

祠

曉晚過惠山清風逗行轍雲根百尺高月射千

秋結濯手知鬚眉尋源悉委折靜觀曲水開杯

飲寒潭冽霞影接湖山松聲繞珮玦餘雨翠嵐

媚滴暈小蟬咽谷深雲意多林靜鳥音徹見道

餘春 右元世

梅側有樓外祖所居處

看來一帶絮雲垂十樹梅花映小池白髮老人
情更淡素心居士骨偏奇花多恰好寒輕日樹
少連逢酒富時禁用隴頭橫笛事沉吟半晌不
成詩

答攝山淨持子從實時讀書天開巖

止麟偏宜客侶單一枝藤杖獨婆跏門深雲護

靈影向箇中春自古半林散宿夢欲齋前坐學

自娛集卷之四

長洲俞琬綸君宣著

五言排律

庚子過惠山憩漪瀾亭懷僊樓及謁諸賢

祠

晚晚過惠山清風逗行轍雲根百尺高月射千
秋結濯手知鬚眉尋源悉委折靜觀曲水閒杯
飲寒潭冽霞影接湖山松聲繞珮玦餘雨翠嵐
媚滴暈小蟬咽谷深雲意多林靜鳥音徹見道

慨流逝觀空忘凹凸烹茶漱晚煙假寐枕飛屑
摘葉點漪瀾懷仙仰孤杰痛飲傲骨疆噴嘯窮
愁絕散髮揖先賢相與盟素節

楊二郎善琴善歌不美而多態卽若若弟
也

吟嚳開蓮幕相逢覆髮時含情一把手對面欲
交頤語出疑新燕嬌來儼曼姬明光催月滿淥
水度雲遲婉戀重諧佩飄搖可借枝樽前數愁
緒半爲卜花期

○書扇頭贈玄仲家佛舍

一笑知英物長庚墜爾家奇香霏鳳幕靈景毓
琪花照社神光動橫秋壯士奢犀錢天上錫麟
玉掌中誇曾識之無字應吞日月華甘羅真可
異報趙始童牙

○登天池蓮華峰絕頂

身坐蓮華裏諸山擁翠遶松濤如蟋蟀陵鼻作
蝦蟇咳唾縣南斗馮臨釣漢查盤紆遊帝圃遠
憶指天涯尊酒遲顏日羅衣卷暮霞花間雲氣

上。芒履覺輕斜。

和張餘子絡絲嬾詩

苑轉有情帝圖臺

纔下蠶孃手。還教絡秀拈。鉤懸褰細細。粧罷理
纖纖。腕力雙環重。容華一縷滄。風輪忙卷袂。雨
綫急梭簾。芸麝翻文縠。啁啾響玉尖。髻橫驚翅
舞。絲絕巧唇添。寂寞空閨况。柔情托素縑。

○

燕子磯南石門山之聚風處也從秣陵歸

盤桓山下數日徐公子挾玉華至苦秋熱
飲于石門華病腰兼有別離之愁神頗不

怡謀所以怡之者鼓興狂飲命歌者歌大

江東去詞主人洞簫倚和華爲解顏曰今

日惡得無詩爲予檢韻得歸字成十六言

雲影流江遠。離情滯客歸。樹高攢石劔。煙翠濕
荷衣。雙峽開龍藏。孤濤觸燕磯。汀沙連海白。潮
水及秋肥。酒有蘭陵美。霞看碧洞飛。玉人連病
骨。花蝶舞天機。歌起蟬吟咽。簫幽漁笛希。臨風
懷帝子。隔水問江妃。浪劈波光碎。帆收暮色微。
豪情趁餘飲。猶欲借星暉。

○○○同子顯渡江而北

山氣連江遠輕鷗撲霧歸沸濤磨石劒空暈結
霄幃蓮碣題龍藏潮峰控鶴磯棹迎山月轉鈴
吐塢風肥星落鼉靈躍沙明豹跡稀遠聲騰萬
戶寒影列千圍壯氣傾淮飲奇情歎玉飛暗香
吹膩鬼遙夢接容璣雲劈江南絮塵吹塞北衣
悠然回首處鸞嘯入芸暉

造詩奇特寫景尤極

城南聯句

有序

期子龜過予城南藉以邀諸契數人駢

一伎不至而客半
散去客亦俗哉

集月下遲至夜分涼風襲衣子龜不至
客半散去客有請從谿橋楓桂間布英
散坐迺相與仰天放唵飛觴促句句不
應觴出者浮伯雅篇成得十三韻客云
美哉賦景絕會惜未作一詈子龜語予

曰若然則子龜真不與是集邪

月湛湛於水樹涼涼作秋聲松影入谿靜博竹
扉向野幽真曠色千里遠平望孤城收聲氣爽
噴林薄博吟空寄浮丘聲豪發酒杯疾情來衣

袂投聲就席煖風露暢心失窮愁聲唧唧凜危

砌博颯颯揚清謳聲橋外故人去煙際輕查浮

聲晴山渺西望浩水湯東流真陌草亂雲影汀

花隔漁舟博香霏渡銀漢暈濕侵兔裘聲醉夢

領清異飄踪任蜉蝣博側身謝飛鏡長此雲松

儔

○ 丁未除夕亦切亦脫

無年無此日情事兩年催爆火縱橫落瓶梅次

第開擁爐寒夜煖對酒去春來佯笑從兒戲無

言慰母懷支吾言守歲人靜獨徘徊文章

○ 園南室

園南有小築微尚學墻東地僻多蒼靄門低見

遠空牕前煙散合几側石瓊瓏樹出雲間寺鈴

傳塙上風花陰環岼濕霞影落潭紅城外山如

髻天邊鳥亂虹草庭圖茂叔柳徑塑陶公呼酒

追前事奇情一夢中音

○ 傅子晉祖載寫哀韻

傅子豪於酒筵醪滴羨門野雲陳世幻閒月落

松痕色笑泥間爪才名石上覓老親歌薤曲幼
子挈壺餐草宿留餘淚朋情重玉昆

鳳從滄關移居胥渡

蒲荔春愁在蘭茗客夢何關門畱涕淚胥水借
煙蘿載酒臨風度懷人駕月過祇林堪辟跡凡
鳥亦辭柯白苧裁歌宛名花引醉多千山封遠
恨從此破愁河

再贈日方

濁世佳公子綽有古人風足步自高闊文章特

奇雄徵詞兩蛾髻勸酒雙玉童世幻委蛇度路
難屈蠖通綠桐坐閒月碧沼窺長虹義俠真徐
孺風流復謝公願締金蘭約詎言筆研同

舟中別

話別浮春露蘆邊蕩槳遲花香來遠近山影隔
參差愁日晴光黯榮懷樂事悲月橫流水斷雁
急寫人離寂寂歸飛葉東風吹爲誰

送何仲先鄉試

折柳寒山寺因君有壯遊酒杯傳樹月帆影拂

江鷗腹笥當細麓。龍文豈蒯緱。桃源千葉渡。桂海一星流。書草飛銀榜。題縑倚玉樓。燕磯清淚寂。淮水鬱金浮。醉逐江妃夢。歌高帝子秋。長鴻人共遠。谷鳥友何求。挂席雲征去。驪駒唱未休。

別王吟

有序

見吳伎緒風王吟于潘景升長干寓吟
素豪舉是日惻惻不怡予問之吟揜涕
曰吾卽晚去汝寧妾呼江上風君望西
飛翼千里之隔在杯酒間矣予悵然罷

飲書此作別

昔日曾傷別而今別更傷素情畱匹製愁色動
行裝淚溢聽歌苧魂銷爲覆觴障顏堤柳密兀
夢險厓長寂寂山雲處相思共渺茫

贈原博胤子

秀徹能傾座吾兒較不如
硤硤頭上玉咄咄掌中珠
異日呼小友他年卜鉅儒
縱然非鶴蛻應亦是龍駒
湯餅纔堪箸之無已解書
挺之有此子不數慶充閭

此子美而文作此志喜未幾而殤原博以此
詩殉之予語原博曰此子必修文地下則此
中詩當亦在瑤房紫府間矣
衣婦別夜賦燕姬弄不暇
箜篌弄新曲一弄數人聞林鳥千聲寂梨花百
指零唯予策馬驟諸客送風慙飲盡杯辭月秋
飛劒劈雲曲終狼亦嘯將手向誰分

七言排律

追念伯起先生

多風自古難多壽九十才情曠世無
祇許賢書傳姓字肯從通士託江湖
流光歷歷浮書卷色相仙仙儼畫圖
場愛少年畱白苧夢尋同調泣黃墟
緘扉元絕投懷刺閒榻何緣擊唾壺
舌過晉人無惡謔學讐宋語卻身符
鵬風息六垂雲渺鶴子生三結樹呼
筆塚長菁靈五嶽文星忽雨淡三吳
閒腸好記塵寰事懌我先人別眼枯

自娛集卷之五

長洲俞琬綸君宣著

五言絕句

貧婦曲 有引

古白有貧女曲字字可涕予謂貧女良

苦不如貧嬾之甚有貧婦曲

高堂待炊糜被霜炊以餽但愁無糜炊莫怨有

霜被

其二

自好集 卷五 二五
一自嫁郎後終朝結眉宇斗粟與尺布不得常
砧杵

○首其九 命回艱回艱堂主故玉玉不
回首樓頭人揜面常歎惜從來無鏡臺容顏暗
中易

夫淑幼于草堂歌

有序 會日暮夫淑體莫煩問

其從古才人死多孟浪公亦如是死耳公
死而風流不死風流之事半在草堂如
入苦商公之行集及志舞諸書堂中所結撰纂

緝也 有尋詩徑堂左竹徑也 有白公石
其堂之庭側古松下石也 有曲水環洄堂
外者也 歷先後聞人把酒臨風品紅題
翠茲堂行樂事也 公嘗執干戚蒙假面
其戲舞城下則堂之前階醉月處也 古來
存一遺事必存一遺趾草堂其不死矣
且以公不死公豈死乎為歌七章亦
其為草堂思風流耳

於邑淚承睫撫劒揚雙眉一時志舞地衰草何

離離

其二草堂思風亦且

狂顧倍惆罔徒倚茲傷惶歷想舊風月拂衣長

慨慷

其三

良玉殞窮壑杖頭不復煙縹緲千卷書駕去峨

嶠巔

其四

白日若黃土陰風慘蕭蘅竹徑故如昨邈矣尋

詩人

其五

盤桓愈悲憤四顧唯空幃廣庭挹清風依稀睹

舞衣

其六

沐芳勿彈冠芳揚身且隍宜爾青松間蛛網羅

蜂蝶

其七

客散紅蓑死暮雨聲泠泠白公數行淚灑作秋

蝟鳴

予有把酒憶明月九章原博有六章採其

章續後成十章

把酒憶明月明月出妝臺日日卸妝時愁思多

滿懷

其二

把酒憶明月明月上寒樹寒鴉不禁聲忽忽啼
還住

其三

把酒憶明月明月起邊城夜夜聽笳鼓難爲此
夜情

其四

把酒憶明月明月照荒丘死後得清閒看此無
盡頭

其五

把酒憶明月明月過平康結璘不管事閒聽說
衷腸

其六

把酒憶明月 明月入朱門 歡歌與愁淚 狼籍幾
多人

○其七 把酒憶明月 明月到隱居 渴來空 眴冷空影濕
殘書

○其八 把酒憶明月 明月映江流 寂寂征帆少 千山影
欲浮

○其九 把酒憶明月 明月來古寺 往蹟已埋沈 猶識殘
碑字

○其十 把酒憶明月 明月生雲彩 仙人五色衣 片片歸
滄海

原博六章如生雲彩等名自爲一式與予不
相合愛其翩翩仙句也

幼于生殯十首

爲君齊執紼 茫茫動白雲 君能脫苦海 苦海未

饒君

其二

道君稿且灰。夔鑠尚如虎。畱與世人傳。異鬼能
蹲舞。

其三

遙望容車至。車前動地哀。試看車以後。拍手放
歌來。

其四

面目尚本來。浪言解詩械。此福未湯能。尚虧千

卷債

其五

公身長七尺。今日酒三杯。誰言無賣處。收盡紙
錢回。

其六

笳簫迎異骨。紅粉挈芻靈。解人茲白驥。抵死不
悲鳴。

其七

世上有此鬼。山魃盡驚疑。請看花樹裏。歡載傲

尸歸

其八

明年寒食後野祭為公陳公豈能當祭公猶野祭人

其九

幼于一身子名姓落何簿國王與鬼伯不知屬誰箇

其十

托身是何境對面是何形從此人間世相看盡

柏城

壺梁此事甚怪宜有投自之禍此詩亦幽異

甘蔗郎

有序

可謂痴情

橫塘甘蔗郎每午餘必以蔗來稚年可親原博有曲志賞曲文郎不解予為俚語解之

君問儂年紀君問儂不答君莫問儂年春來始垂髮

其二

小小負蔗行夏月行如火蔗則儂與君君與儂

瓜果

其三

人人飲蔗漿、蔗皮人所棄、不識君何心、疊疊還堆砌。

其四

他人持蔗來、蔗大君嫌小、正問阿儂汝、可嫌錢少。

其五

他人持蔗來、不許上階頭、點首呼阿儂、汝可求。

上樓

其六

蔗味只如此、君言不可食、一經阿儂手、便說甜於蜜、蔗甜儂則苦、起蚤衣猶濕、何太拙、爭浴酥。

其七

賣蔗雖則苦、此苦猶可當、阿爺不愛儂、教儂牧牛羊、告君君不肯、坐名甘蔗郎、一試香糖去、舉。

其八

知君有蔗癖、日到君門首、一日君搜儂、搜儂儂。

強葉

題畫

薄醉走谿雪寒飛拂林表與爾盟素心薜門對
空杳

新春日

一歲復一歲添歲并添癡日日尋酒所不知春
去時

書燕子磯石壁

慷慨數呼酒攀條倚危石往來離別情鬱鬱江

心碧

山望

地僻尋花少山陰落月孤悠悠千里色好信托

飛奴

畫日閒

笑語聲孜孜流魂夢黯黯小蝶護花肥輕雲度

風嬾

閨懷

別君知己矣問我欲如何別後衣香盡那堪揜

淚多賦已矣聞去必收可恨終冬香盡孤夢餘

與原博舟中別

話別莫投箸相逢意氣新山頭一寸月猶足酒
手巡登文外流蕙夢深譚小艸對外眠時雲

風月閒

人言風月閒風月何時閒深夜猶不散相將樽
酒閒

歲朝

一年空碌碌往事一齊歸點檢誰吾有開箱止

故衣

畫蘭

染墨寫幽蘭細細香風至世無紉佩人化作湘

溪淚

畫

開畫君家在門前擁翠茸坐來無客到仰面對

清風

携幼奴

我欲携卿隱東山此日過山中勤借問若處白

雲多共喚東山北日豈山中誰肯問香篆

樓雨

聲靜鳥棲竹水暗雲暝池曉來看兩山遙共淒

幽思

手藉

爾得攜郎臂妾身恨不如此心唯爾會傳與淚

殘餘

○ 弱秋小影

與子三年別臨風正有神夢竟淮水上難訴卷

中人

○ 春晚

含意拾春花紅芳不堪掃燕子肯多情伴我歸

休蚤

○ 悶待

情月三更夢驟風十里秋美人期不至小徑綠

苔愁

○ 招遠

嬌波蕩春柳情雨憐夜花寄意遠行馬回頭客

有家。

別贈

代張壽

懽晤春花明。腸斷多風雨。有夢通話言。初醒猶見汝。

其二

有別還須來。有喜償今苦。與子言素期。送子江頭去。

其三

短橈輕於鷗。觸浪聲如虎。刻燭飲千杯。人醉秋

江午。

其四

仰面一天寒。雁陣翻來去。行行寫箇人。人在懸如許。

攜李別諸友後寄謝

各分煙雨袖。吳越夢交隨。一點嚴灘月。君歸已到時。

馬行夢驚

鳥落聲空樹。山深淚黑雲。美人鞍上夢。難得馬

蹄勻草密樹山深
黑雲美人嫌
上夢驪野黑

懷舊

花好偏多恙
時歡不易留
幾饒秋上苑
况是故人樓

古意

虎出莫探穴
魑歸多夜氛
妾魂在蒼嶺
識盡往來雲

緘寄

既去不如速訂歸
莫甚前話多
無可寄有淚滴

回船

雲

挽手拾巖桂
揚杯餞去雲
去從何處歇
先我俟河汾

交運

良晤久如昨
屯年過尚愁
生涯君欲問
買有鏡中秋

金馬行

相茲夾楊裏
誰是雙心飛
隔馬行人淚
風吹沾

我衣

懷友

雲薄從人遠，譙閒與路長。思君淚稍滑，提起卽
千行。

自娛集卷之六

長洲俞琬綸君宣著

七言絕句

桃葉渡

澹漠流光細雨飛，數行春草蕩風衣。扁舟桃葉

猶前度，仙影欺人是又非。

落：有一種幽異之色

燈市喜素奴不赴

狼籍珠鈿款款收，素容憐殺晚風秋。半枝花雨

催人病，何處笙歌不夜樓。

對入覽髮因感
因憐旅鬢添來異
遙想闈容減半
初狼籍少年
雙渺渺後來風色總模糊

有訪不遇時歲底非

雖未春來已借春
綺樓多處更春新
訪君不遇
逢花雨兩袖鮮香欲醉人

詞三仙筆

追懷魏蓉

美人元自難經識
何苦當年偶識君
潦草長安
春去半殘書一卷
病紛紛

復遙淮堤新柳邊有感

溪口迴波戲柳枝
波情咽咽寫相思
三年前亦
曾來此一片雄心竟不知

登山喜雨姬月下至

偶與清風兩值閒
嘯聲吹沸萬林間
一雙行玉
脩脩上恰似相期月滿山

感玄仲諸契

客久歸來嬾入城
舊時落地半殘英
相逢一片
皆新少裘馬風前避道行

卷六
三
余峰丈同渡春江分手作茆山游

別我凌風叩導師素樽且與坐江湄明朝南望
山頭上忽起青霞君到時

其二

拍手相逢堤柳間短章相送訪仙山三年後是
誰山主此日君來不放還

懷別

一自江州憐小友笑人還夢望京樓錢塘此渡
尤無爲繡澁山花滿路愁

岫雲沈舅誌

有跋

必不願歸求客死茫茫岫鶴野雲空他時狐鼠
休相問此骨當年備五窮

其二

歸來羞作生馮煖此去寧尋死孟嘗請把送君
千點淚化爲山雨暗家鄉

此蘇州沈岫雲也癖與鄉仇委命於此欲返
其骨竟必不去生之所寄歿亦遂之所謂死
有以葬不必其里也甥某傷居築土灑淚奠

別而以詩誌云

○○燕姬墮馬

忽望神仙下九疑。彩雲散亂到蛾眉。舞腰幾欲乘風去。况是翻飛馬上時。

○○其二

縹緲風前玉鬢橫。懵懵不為酒初醒。會看芳草神馳去。怪殺青驪斷遠情。

○○其三

春來新服短蟬紗。駕霧裝煙帶落霞。輕貼翠苔塵不動。霏微疑泊武陵花。

○○其四

尋幽陌上卷殘暉。意得空中駕六飛。蚤是九華妃。侍女塵埃終不染。雲衣

○登太山

兩肘風扶接漢辰。業軀何幸已通神。茫茫大塊如蟣蝨。俯瞰煙霞亦幻塵。

○○其三

風微何物響清遼。疑是仙家奏洞簫。欲指故鄉

何處是人間。煙雨隔山腰。寒秦同籟。海嶽對

其三

靡靡足下舞雲旗。芒履輕斜不自持。仰首帝宮
應逼近。手擎香火念牟尼。幸已無師。亦亦大

其四

攜朋纔上半山隈。田樹依稀且浪猜。忽自想
看。不識面。輕雲一朵撲人來。中說六派。盡是

其五

浮玉峰頭碧落居。虬龍下矚舞雲車。笑人眼力

無多遠。共指蒼煙作太虛。

其六

人寰一片平如鏡。天闢光明照大千。高下參差
星萬點。山頭佛宇一燈燃。

其七

無風蕭颯動人衣。鶴駕羣仙拱太微。一嘯空中
傳萬籟。悠悠散與白雲飛。

其八

俄生八翼乍登天。半世泥塗一日仙。遊子歸期

何處卜紛紛珠斗落金錢

○ 爲幼玉作嫁衣并書此送之

昔年度曲轉淒憐。浴罷常沾荳蔻香。一自月英

消息斷人前絕口問平康

○ 其二

會結生前未了因。春來何計遣蕭辰。從今莫問

君肥瘦珍重清閨慰故人

○ 其三

憶昔臨風戲錦鳧。酒酣習與共歡呼。如今再欲

看君笑。便有千金買得無

其四

雨餘無賴酒行頻。坐對齊牕看綠勻。日日歌臺

真自得。從今樂苦屬他人

其五

君家性格本湫湄。一入深閨強自支。欲爲故人

傳數語。小青渾不是當時

其六

少年和淚別煙蘿。儘夜矇矓向玉荷。低唱欲娛

長夜飲不知夫婿性情何難回玉荷

其七

偶然無事戲投瑤。點點如星湊不成。錯對小姑呼妹子。回身不語盼流鶯。

原博留綬館予月下獨歸晨遣訊之

寂寂空林染綠塵。雲衣欲冷不知春。迷離帶月

歸如夢。此夜清光惱殺人。

其二原博有舊歡阿香香死矣音亦有阿香冢晨風鳥名

玉質何如比阿香。半簷花雨夜微涼。可知霓蓐

渾無恙。未許晨風促淚妝。

其三

好夢方成月色孤。情濃深鎖畫屏紆。枕間記曲

張紅在。問有工夫製得無。

其四

驗取前期意更親。日高輕軟貼花茵。願君努力

頻添酒。聞說春寒也妬人。

其五原字青娥原博改作文綬

依依笑語送春波。想像微風卸綺羅。心事已通

自娛集 卷六 十一
無可道小名但囑改青娥

紀夢

夢到三更纔見汝千斛衷腸一時語簌簌打牕
散手歸樹頭吹落黃昏雨

彈琴

彈來多出悲風調一曲一悲寒松清曲終宛轉
悲不盡挂取壁間風自鳴

九郎過訪

聞曉初試雨前茶何處風吹到小娃促坐移時

交半語滿齋春暖不須花

夢杜若

千層暮色迷煙柳一曲清歌墜雨花
驀地歌殘人別去凄然獨枕亂池蛙

題小扇圖

僊人初降海雲邊窄樣身材字小翩檀暈欲低
春思嬾琴樽潦倒擲風前

月下虎丘見喜月二馮

雙雙桃李競芳妍對月清歌亦自憐欲識風流

種所在。君家幸有綠珠泉。

潯陽送客圖

橫空歸夢落平沙。聽倦吳儂陌上花。今日江頭
明月夜。行人猶自怨琵琶。

書觀音閣石壁二首

峰頭雲起鬱參差。雲作峰頭曉暮奇。來往征帆

飛不住。江山

其二

江聲時嘯亦時怒。石皮復鼓亦復琴。我有豪情

不能吐。晴山空碧開吾襟。

樓頭嬾

樓頭連日懶新妝。半上珠簾草陌長。貪看晚風
弄楊柳。卻忘馬上冶游郎。

代

盤陀初整泣西關。取次霜紅秋欲闌。歌舞盡拚
休。憫問低頭不敢看。刀鏢

憶別

情多日出還生事。月月良辰有別離。寒入北牕

自好集 卷六 九
夢來少一夜竹聲葉滿池
氣在恨轉寒人北

○ 閨懷

樓東一望滿江煙
誤約歸期過一年
細雨天涯
春草綠
夢吹無賴到君前
玉杯於闐海盡

○ 別小四

送我江頭細雨飛
鈎簾停柁採江蘼
欲知何處
愁腸斷
故向杯前一笑時
兼草引身貪

○ 春盡

誰負幽期不可尋
影娥欄外漸生蘋
鶯花不識

春將去猶着輕風賣弄人
絲長小故不長春
醉

○ 記別 只共語

野步山花樹樹稀
酒醒吹人晚涼微
歸來暗落
手雙淚
檢出當年見贈衣
黜效風零何人寄

○ 送別 春郊圖

回數歸時睫眼過
至今猶未試新羅
一春花柳
昏如睡
別恨偏宜陰雨多
到邊寄對不長雙

○ 餞友

攜樽江畔草如茵
唱和詩題片石粼
一樹秋風

自集 卷六 二十九
吹落葉登山臨水送歸人。眼望秋山一樹煙。一樹煙風

鳳生

雲華秋色滿湘簾。翠濕空庭影倍憐。不見雙璜
明月下。終疑金屋事虛傳。未肯離羅一春艾。林

空閨春晚圖

樓角青山入霧暝。花蜂草蝶故凋零。何人寄意
南來鳥。更半愁聲落夜庭。人報京師歸來部。蒼

夢愛兒片語卽去

黃昏陰雨濕蘼蕪。危刻奇緣見小姑。不是春顏

常在。念醒來尋憶也模糊。

家樓

吾園池閣十餘圍。不雨經旬水尚肥。憑臥北牕
簾半捲。山雲樹雪滿前飛。

挽何水玉二首

自來粉黛俱黃土。一任輕綃付落霞。誰復有情
風共月。破牕相與到筆筴。

其二 水泉

新寒入夢使人哀。欲向芳容問鏡臺。願爾清魂

寄花下時乘風便逐香來

贈倪水泉

不善謀生甘餓夫他年肘有玉麟符說梅也自
能消渴姑妄言之亦勝無

感雙二首

有引

過曲水草堂胡陸二姬擁幼于而飲時
雙旣去矣幼于嘗曰二姬曰阿侯在何
處不如吾家蠻素常作林下風舒我襟
懷耳因益感雙

憶昔隨遊解拂塵思君脉脉暗傷神白公石下
風流盡楊柳櫻桃也姤人

重來把酒恨人非坐向春風憶縷衣蜂蝶有懷
如舊過幾番快快度牆歸

自述文章慨遭遇逐跡泥塗負心素揜牕夜靜
苦伊吾可惜流雲幾虛度

望閨怨

自妙集 卷六
憑望雲遙逼漢辰。數行草草寄江濱。東隣消息
君休問。斷送紅香風雨春。

○ 訪幼卿瘞處。玉埋玉小樓。西感君畱得
多情在。輕看花塵送馬蹄。

○ 翠衿鳥語乍晴時。散步春郊有所攜。可惜晚游
當醉裏。山花幾過未關思。

○ 昔歌婢畱別。玉勒裝成已夕陽。殷勤更進一壺觴。年年短曲
供君醉。此去樽前切莫忘。

○ 雲夢弔古五首

幾代名賢共結廬。清寃常傲白雲虛。假能臭味
同千古。肯許他年俎豆予。
揖五賢

○ 其二

落落雄心氣未平。亂揮石劍吐千雲。三分亦是
當年夢。此片山頭乃屬君。
揖劉先主

○ 其三

絕代風流雲一龕。先生長坐石林寒。人人會讀詩千卷。可與心期固亦難。揖子瞻

其四

追尋往蹟何嘗死。乍覩鬚眉果是生。白羽至今藏怪算。空中搖出遠山青。揖孔明

其五

一天秀色滿煙山。人渺亭虛鶴不還。寒夕酒醒何處響。一聲清喚在雲間。放鶴亭

閨怨

月麝香煖素綯籠。逐日空庭掃落紅。負我一春花去半。報他淪落雨兼風。

長干竹居菴。有手栽四竹。歸時囑陳復所善護之。別後時以爲念。因夢晤陳君。亟訊此竹。陳曰無恙。

秋來夜半已新寒。千里相思爲寄歡。可喜新栽庭下竹。無風多雨得平安。

薛虞卿得下嫂置大樹園

思君欲訪幾逡巡。空積囊中當酒緡。才致自慚

自好集 卷六
嵇阮下窺慵更得品題人

畫蘭

清風一過枝枝舞。墨雨新和采采香。不是畫蘭蘭在畫。湘江知斷幾人腸。

喜見黃必顯

花前喜得又相親。喜極翻疑未是真。但見笑容無半語。看來元是十年前人。

秋閨詞代楊素娟遠寄

登樓迷日草蕭蕭。遠隔成都萬里橋。果是月明

能遞去。何人無酒不相邀。

自述二首

但是向人俱款款。不須問酒且嘗嘗。從來笑疾非輕薄。愁滿人間不入腸。

其二

舌自廣長無箇業。眉雖狹小不堪顰。北牕數朶瓶梅下。豈食尤聞煙火人。

爲絲五作悲秋詞贈舊歡

秋風忽起黃花落。車馬喧喧慰索莫。有日憑君

一葉情。簷前檻外飛輕薄。韶意索莫。昨日憑香
茗。盡對奕。適有客索詩者。

○ 客中歲暮
鳥半歸巢。日半黃。兩人心事共茫茫。彈碁賭卻
林端月。輸者教他照素牀。小不掛。翠北。照。幾。朵。

逐日浮蹤問渡頭。經年離恨半青樓。有情天外
空勞夢。一片山霞趁水流。

湖上追想

何日能忘昔所期。迎人花鳥莫相疑。浮來翠遠

凝如蓋。十五年前春草時。

又子鴻歸禪

新壯改作小沙彌。第一當場更數誰。頻念佛囉
心暗囑來生莫。種有情癡。

○ 懷蕊玉二首

一片桃花幾度春。離腸欲斷酒頻頻。驅車過處
流鶯寂。難把春愁說與人。

○ 其二

新來燕燕喜成雙。人有相思多渺茫。散步谿邊

尋好句竹皮蕉葉是奚囊

有訪

因君日日苦縈懷走訊春愁破碧苔日午扣簾
妝未罷可知情夢昨宵來

贈友

甕春已竭勤畱客池墨常酣懶作書睡起嘯歌
風散竹一天清韻滿庭除

改睡起嘯歌清韻徹天風散竹滿庭除

懷諸姬

好風何處吐芬奇腸斷封家十二姨可恨夢魂
吹不到聊將明月托相思

悼三首

春盡蕭蕭樹滿鴉尋蹤空有墓門斜幽明不隔
惟清夢夜半風前簇淚花

其二

殷勤送子一壺餐夢入三更月半昏好去不須
愁莫訴一腔心事託清鳧

其三

夜半藤蘿面面低昏燈恍忽共君時坐君榻上
香猶在雷卻芳情遺所思

春去日送行

馮高折柳送春華暫且留春一盞茶春亦有情
含不語依依別恨託飛花

空靈

春閨

簷前鬪馬響琳瑯度去三春草不芳寄語舊年
雙燕子天涯何處好雕梁

晏坐

終日杜門非厭客一春心事睡時多飛來一陣
香何處雙鳥銜花掠水過

夢恨

忽忽三更送所思風煙千里更何之寸腸不斷
曾幾許夢裏猶堪泣別時

夜別因贈在坐之交歡者三首

小牕獨坐風與雨可惜春韶傍江滸人生莫恨
無相知看我今宵別離苦

其二

春蘭香入夢意交林雨入冥

萍合他鄉緣已奇。蘭香分處意交持。兩人莫賀
新相識。他日愁腸在此時。

一刻生平君莫負。摘花與約來時。暮欲將明月
引君情。千里長光入我坐。

幼于來。思風飄千里。更何之。下。不。不。
幼于嘗僵臥梅下。梅片款款落口中。令

香。人。亟奔告友人曰。幼于死矣。
閒抽遺卷自刪裁。小徑無人滿綠苔。盡說幼于

梅下死。敲門猶自杖藜來。

飯後假寐夢四兒

庭前夢接小霞裾。依舊當年二六餘。片刻匆匆
忘問汝近來阿姊病何如。

霧後歸園

乘閒信步訪蘭奢。醉捉雲藍寫法華。穉子扶歸
煙雨散。數竿影裏是吾家。

春晴

一春多雨喜初晴。屢欲披衣尚半醒。牕外不知

何樣鳥。但聞聲處若關情。

臨別二首

山深秋近夜涼新。莫厭殷勤勸酒頻。一曲清簫何處月。半尊殘酌幾時人。

其二

薄薄流雲吹細濛。茫茫千里孰知心。酌君此夜別離酒。嘗得人間愁淺深。

平康曲

門前池水浸山霞。難得東風戀妾家。走過竹籬

寒袂住。回頭知是麗春花。

秋別

千里長征挾劍縱。昔年期約逗行舟。白雲一朵

金仙去。夜半蕭蕭荻渚秋。

舊隱

當年共泥小桃菹。今日橋邊訪舊廬。風月滿林人不見。挂墻清影欲牽裾。

春暮二首

蒼烟漠漠雨絲絲。千里悠悠未可期。含淚掃花

勤勸酒豈堪重賦餞春詩

其二

鷲去春歸花事衰。我將杯酒解縈懷。年年惡况春無限。今日辭君再莫來。

郊外別

鋪花促坐錦紋墩。且與高歌十里郵。乘取碧天酬醉月。霎時雲過酒杯昏。

過去姬與遊處

插天孤石倚層臺。秋色當湖萬錦開。往事欲追

人不見。嬌風倩雨爲誰來。

訪高士

新詩賦就獨閒吟。翠入清池月滿林。縱識姓名無覓處。但聞鳥語白煙深。

山懷西望

岑雲寂寂水盈盈。秋色當牕送我情。明月未生西海白。臨風一嘯遠山青。

題畫二首

傍水因山蓋草堂。離騷半卷一壺觴。去年別子

秋雲老今日愁看木葉黃

其二

送汝湖亭正夕陽歷年離別惱人腸前途漠漠
難分手兩岸淒風竹樹忙

感

江干立馬意躊躇春去春來人自如門館依然
賓侶斷可能常賦絕交書

閨恨

垂簾久已隔雲華莫向桃谿問妾家風雨小窗

人去後模糊春晚不知花

又莫念溪邊有妾家寂寞小樓天氣好一春

風雨不知花

維揚遇華哥

此地何緣見小華枝頭點雨泣嬌花與君共寄
風塵跋不必含羞揜臂紗

山夜

與君把臂入畫圖人世既隔殊清孤寒林野鳥
任喧寂夜月空山時有無

夢醒

輪鞅翻復幾時寧
閒卻堦除月露清
竟夕匆匆
何所爲
軒軒床上一莊生

寄

邨家折得半含梅
纔着春風取次開
千里相思
知夢准
手溫餘枕待君來

醉歌

南牕仰面弄虛徐
對酒聞香寫自娛
問我前身
藐姑射
一庭雪露唱吳歎

海棠

薄羅初試怯風淒
小樣紅妝着雨低
一段天嬌
描不就
非關子美不能詩

仙仙楊柳

一雙燕子喜逢春
颯颯風來不到塵
怪殺楊花
無箇准
沾來水面亦浮蘋

哭顧二

遙望飛星落遠天
荷衣幻作火中蓮
多情畱卻
年年恨
此日秦淮可禁烟

采采猗靡葉葉顛枝枝含笑濕秋烟圖來寄與
張祠部幽客還教壓水仙

寄茗玉

乍得相逢意自親素裝一襲果超塵藍橋縱負
當年約肯把玄霜屬世人

秋夜集

紅塵未減舊年容促膝移時月半空杯酒正濃
歌正好相思已寄落花中

畫煙雨

綠楊十里勝皇洲此日空濛隔畫樓樓上莫愁
花事盡瞿塘何處好停舟

看雲客至

閒來把酒看天上正好看時客過谿可惜數言
煩應答白雲飛去大江西

蘆雁

自北南來幾度呼江頭影落日初晡曾遺多少
閨人淚忍自雙雙戲菰蘆

自集
卷六
閨入憶舊遊雙雙翅燕

戀戀當年白氎巾烏紗不稱有情人酒懷常在
花門口今日風光枉是春

○渡錢塘去大山西

澹蕩波光萬壑開白鷗雲氣兩相猜偶因一曲
吹楊柳夜夜愁心江上來

○喜玉如強起

風光難得占家家怪爾庭前幾樹花聞說朝來
懶梳洗誰人鈿朵隔牕紗

別王學博

匹馬長驅萬里平開樽莫計故人情客中愁是
芳菲色趁未東風正好行

○遣病

燕留春語草留青客路塵多已倦行病骨滿身
堪自喜回頭憶得少年情

劉隱士

聞說移居山塢間依然市處並無山一茶數語
徐徐別覺是山中杖策還

送子秋仲喜

悠然雲路渺難尋，且向杯中忘客心。
去矣風流餘夜半，蕭蕭絃管咽春陰。

答張一

蘭花一卷故人遺，病筆描來更可思。
點檢藁中深自恨，經年無有贈君詩。

答徐日方兼寄元聲兄弟

衙齋結得小茆亭，五斗無心嬾送迎。
爲報故人千里况，別來唯有病多情。

汪成龍

輭腰鬆髻舊青羅，秋色花情爾占多。
輕眼一斜相逼甚，問伊教我欲如何。

江上

牢絡塵鞅斲出頭，波光雲影復當秋。
自知今世無多業，願作來生一野鷗。

鄉夢

苦無情緒夢沉沉，秋氣當空雲滿林。
爲向故園鸞柳道，他鄉花好不畱心。

多病懶於花不畱心

攢眉作客已經年，賴有山雲滿案間。病色恐貽

堂上慮，時時呼酒沃冰顏。

無多訪山客，來去亦無閒。

巖花石竹傍雲生，楊土風翻書葉聲。喜此杯中

無世態，偏於閒寂有餘情。

卧齋中對燈非冷

信手圍碁信口詩，偶然一夢日西移。賴因病嬾

多閒日，不負三春來去時。

湖上懷皆可諸丈

花飛片片草垂垂，問爾秋深何所思。可恨當湖

好明月，遲予三日見君時。

人不述感神舍雨莫春外

相對情濃感慨生，草亭無恙酒常春。君如問我

鷺花在，換得今朝病裏身。

青韶臨水

滿砌幽花滿架書，滿容酒喜映香渠。短闌曲曲

春衣倦花玉，風前蝶不如。

春示有感三首前兩不成
簫鼓樓頭馬上絃
一人唱采萬人傳
晚來風雨紛紛散
暗落春花誰可憐

其二
今時流弊良

牕前一樹半谿斜
從未逢時怨小家
寂寂戒容人不見
病眸含雨莫看花

秋雨夜
三日景

蕉葉聲聲點雨忙
殘書一卷半眠牀
多情不必關心事
雁過三迴淚萬雙

秋夜臨水歎坐

兩壑中分玉澗開
蟬雲一盞坐莓苔
愁當水月清明夜
少放嬌花影入來

遠懷

暗雲西度影遲遲
閒對殘鑪品玉筵
今日花開簾莫卷
天涯應是病眠時

江南意

春暝初起鬢籠鴉
一襲文衣妒晚霞
心事柳花偷得去
輕風送到阿誰家

○春雨懷寄
千里三年有夢思。鎖樓煙樹雨西吹。春寒花朵
相憐恤。唯我和君不可期。

落花三首

遣疾溪邊覽物華。步回贏得意無涯。春嬌幾派
紅綃隊。歷亂隨風化落霞。

其二

病起身輕汎水鳧。斷雲秋色晚山孤。池邊千朵
蓮花舞。今日殘紅影亦無。

其三

每蚤尋花日未竿。携樽挈杖獨蹒跚。自從秋到
閒遊少。樹樹關情不忍看。

秋淚

誰最相憐復相侶。美人淚眼花枝雨。香痕暗瀉
水紅斑。對向闌干訴無語。

入待夢

無馮秋雁與春魚。不用千山遠贈書。月影馬蹄
齊赴約。願君遲我到更餘。

齊法感春
莫道愁心無箇伴
雨殘桃李盡堪嗟
滿城春意
人人醉惟有長秋在妾家

白鳥鷓鴣帶霧飛
紅莎的的影波微
酒情無計
留明月
紙扇吹人秋滿衣

惜少年
閨怨
燕侮鷺欺
花欲笑千里東腸無處道
殘紅寂寂
雨春樓相期可復人年少

雨鐘
作別河干
亟馬催有懷
唯付紫雲堆
秋寒風雨
鐘聲鬧
夜夜煩君送夢回

答友人秋山圖
別淚應餘百寶闌
感君書寄報清安
新詞寫出
閒居樂
贈我秋山曉夜看

寄謝
竹屐蕉衫
白鷺巾
曠懷風色有餘神
當年自與
君相善
先得長干一月春

自吳集
卷六
三

疑是封家最小姨相逢誰肯不情癡
忙中鬧裏君常在况是低燈獨坐時

悼徐玄仲

片玉簷風落畫闌山頭雲鳥夜啼寒
野花歲發生前興別我年餘酒未殘

春病二首

慚愧西飛隴上雲病留清骨傲雞羣
流鶯飛蝶來相笑到處花開不見君

其二

日課山兒煑白菘任他雙劍角雌雄
病中問我何心事花吐新紅愁雨風

傷艾賓伯三首

何日能歸步紫苔署樓猶喜面山開
鳴蟬忽作哀聲訴會有南昌書信來

其二

冶遊陌上試青鱗六馬圖開袞袞塵
絕美少年都化去笑他花柳爲誰春

其一 其三 其四 其五 其六 其七 其八 其九 其十 其十一 其十二 其十三 其十四 其十五 其十六 其十七 其十八 其十九 其二十 其二十一 其二十二 其二十三 其二十四 其二十五 其二十六 其二十七 其二十八 其二十九 其三十 其三十一 其三十二 其三十三 其三十四 其三十五 其三十六 其三十七 其三十八 其三十九 其四十 其四十一 其四十二 其四十三 其四十四 其四十五 其四十六 其四十七 其四十八 其四十九 其五十 其五十一 其五十二 其五十三 其五十四 其五十五 其五十六 其五十七 其五十八 其五十九 其六十 其六十一 其六十二 其六十三 其六十四 其六十五 其六十六 其六十七 其六十八 其六十九 其七十 其七十一 其七十二 其七十三 其七十四 其七十五 其七十六 其七十七 其七十八 其七十九 其八十 其八十一 其八十二 其八十三 其八十四 其八十五 其八十六 其八十七 其八十八 其八十九 其九十 其九十一 其九十二 其九十三 其九十四 其九十五 其九十六 其九十七 其九十八 其九十九 其一百

一自君辭人世去，我無情事亦身輕。何能直向空山裏，噴雨丹楓叫萬聲。

其二 其三 其四 其五 其六 其七 其八 其九 其十 其十一 其十二 其十三 其十四 其十五 其十六 其十七 其十八 其十九 其二十 其二十一 其二十二 其二十三 其二十四 其二十五 其二十六 其二十七 其二十八 其二十九 其三十 其三十一 其三十二 其三十三 其三十四 其三十五 其三十六 其三十七 其三十八 其三十九 其四十 其四十一 其四十二 其四十三 其四十四 其四十五 其四十六 其四十七 其四十八 其四十九 其五十 其五十一 其五十二 其五十三 其五十四 其五十五 其五十六 其五十七 其五十八 其五十九 其六十 其六十一 其六十二 其六十三 其六十四 其六十五 其六十六 其六十七 其六十八 其六十九 其七十 其七十一 其七十二 其七十三 其七十四 其七十五 其七十六 其七十七 其七十八 其七十九 其八十 其八十一 其八十二 其八十三 其八十四 其八十五 其八十六 其八十七 其八十八 其八十九 其九十 其九十一 其九十二 其九十三 其九十四 其九十五 其九十六 其九十七 其九十八 其九十九 其一百

宿鳥斜窺莫捲簾，有期山半月猶銜。金鑲一響人何在，手吐衾餘護枕函。

其三 其四 其五 其六 其七 其八 其九 其十 其十一 其十二 其十三 其十四 其十五 其十六 其十七 其十八 其十九 其二十 其二十一 其二十二 其二十三 其二十四 其二十五 其二十六 其二十七 其二十八 其二十九 其三十 其三十一 其三十二 其三十三 其三十四 其三十五 其三十六 其三十七 其三十八 其三十九 其四十 其四十一 其四十二 其四十三 其四十四 其四十五 其四十六 其四十七 其四十八 其四十九 其五十 其五十一 其五十二 其五十三 其五十四 其五十五 其五十六 其五十七 其五十八 其五十九 其六十 其六十一 其六十二 其六十三 其六十四 其六十五 其六十六 其六十七 其六十八 其六十九 其七十 其七十一 其七十二 其七十三 其七十四 其七十五 其七十六 其七十七 其七十八 其七十九 其八十 其八十一 其八十二 其八十三 其八十四 其八十五 其八十六 其八十七 其八十八 其八十九 其九十 其九十一 其九十二 其九十三 其九十四 其九十五 其九十六 其九十七 其九十八 其九十九 其一百

堤柳紅橋曲曲深，鑽籬小竹漸成陰。月光照醒相期夢，夢不還來月又沉。

春去二首

流水湯湯何所之，鳥鳴嗚咽更誰思。三春總是傷秋日，落得春歸也不知。

其二

煙餘山逕雨餘樓，忽動相思江上秋。三月花開人正病，到今空爲落花愁。

多別

秋雲秋草任風批，紀別年年東復西。乍醒未衣閑問夢，宵來何處聽猿啼。

自集 卷六
問問閨况來何處
繡罷春綃意惘然
細煙輕雨媚林
蘭閒隨雙蝶
園西去蝶過隣家我自還

入五秋去矣而感秋之疾固在母冤秋也以寄
子葵
任值良辰病不離任從歡處悶相隨
庭無黃葉
玄蟬寂在怨西風秋在時

春思二首懷翩翩

綠玉條條煙半開
碎綿飛繞徧青苔
春風自是

多情致可得吹君入夢來

其二

年年花信傳無已
今日風歸信不傳
總是一聲
春枕上人聞鴛語
我聞鶻

紀別一首

薄霧平勻萬樹滋
多情偏與寡緣期
一年有夢
皆離別但卜今宵向別誰

夢原博

君抱才華泉下老
百端無復費相商
悠悠聚散

皆閒事賴有夢中人意長

野集

橋東一去泱泱水蓋玉煙香澹旖旎滿坐不聞
獨我聞一聲鷓鴣殘花裏

秋病二首

薜荔墻頭挂雨絲衍波塵閣少新詩生來種得
花情重病臥一秋落葉時

其二

回首紅妝五十絃湘妃一曲海棠顛情淡不忍

看花謝自到秋來只病眠

惜花二首

切莫栽花臨水濱開時曾得幾芳辰悠悠一去
無回首辜負憐春惜別人

其二

落花原自有根芽曾亦藏鸞伴月斜今日水流
紅片片故枝煙鎖阿誰家

悼原博

酒酣相與臥庭柯無限交情一隙過世上風波

自妙集 卷六
泉下月君應憐我惡緣多一則盡世土風

○ 原博玄仲

方歎幽魂不可招。可堪雙帶更飄飄。泉臺一見
寒溫了。定問人間第一交。鷓鴣聲今日木流
○ 幼卿朱鳳玉華

十年魂夢邈難儔。玄鶴孤鶩萬仞秋。從此不愁
生死事。美人強半碧雲遊。新樂去水紛紛一去

○ 閨夢

竹底春醒小燕飛。午殘一夢見依稀。有期未訂

忙分手。半臉餘痕壓枕衣。

○ 不遇

約我春來誤。及秋空樽相對。遠山愁歌殘未久。
薰風在一縷。餘春足此遊。商林露書來對向

○ 秋閨二首

未暮歸來燕子忙。雨天偏得稱啼粧。垂眠不忍
看花悴。葉上聲聲滴斷腸。想則且隨此世憐

其二 主學尉歸賦南

靜掩春菟落日遲。叢林影裏淡燕支。病中嬾問

花消息小鳥嚶嚶弔故枝

又送王學博歸滇南

幾年宦跡海雲鷗
劍臯空懸明月鉤
此地勸君休費淚
前途秋草更悠悠

有悼十三首

去去空庭雲影忙
一聲漁笛滿林霜
書來恨向人前拆
眼看飛花淚入腸

其二

南塘相對月虛弓
琴指含情寫醉翁
歷歷暗思

如昨事霜花一片委
秋風

其三

一聞消息淚潺湲
能復春華駐好顏
細檢別來

無惡夢強疑還在
有無間

其四

空枝寂寂海棠魂
剩得當年笑語溫
久坐簾前一樽月
從今收拾臥黃昏

其五

堤柳陰陰紫玉珂
少年情悔昔時多
橫塘草雨

自娛集 卷六
花風下定有雙聲子夜歌

其六

鵲尾煙沉蕙帳空十年交與送歸鴻
輕紅縱好情誰付謝得宵來一樹風
平笑語盛久坐薰前

其七

原是蕊淵宮裏客安能絳雪點丰姿
暗雲零落悲啼鳥已在書前報我知
華髮我煎餘餘恨來

其八

鈿朶飛歸白玉鸞墓門深鎖淚風寒
生前可惜

懶相訪今日夢中一刻難

其九

噤噤難聞奈雁奴鑪灰已冷未更蘇
離多每結秋風恨今欲離多更得無
前句吹回滿不須相

其十

花仙獨占懷春夢壓倒繁紅誰與共
今日東君也不容不教結得花仇重
為風自轉回長短外

其十一

月露堦頭總沒苔無緣花酒任相猜
意中若有

催歸事未十餘旬此信來

其十二

所期難再燭陰偏月自臨溪風自漣固是琪花
常不謝人間香色已茫然

其十三

千里懷君君在麼頻年無信信如何滿衣淚跡
人休問其何春薇露逕過

友人死有冤以買姬致疾者

白鷺洲邊楊柳枝風流猶自掛絲絲維揚幾萬

高低塚豈盡臺城裘馬兒

夢期袂那二首

別來何計好懷開夜影空濛滑露苔我有欲言
勤就枕君多心事記清來

其二

當年曾挾風雲氣今日誰憐冰雪顏期汝夢魂
行及蚤來途隔有萬重山

懷素玉

遙憶佳人畫不如庭柯葉響立躊躇鶯聲付與

自妙集 卷六
春風去。吹入青樓。午夢餘。

夜別

瓶插野棠嬌。玉面牕橫梅子。結青瓔。連牀話別。煎寒雨。忽忽池魚沒水聲。

送別歸

送別歸來當日暮。野禽三五穿雲度。欲避芭蕉

點雨聲。竹牀移向東牕臥。

祝生病

白鷗橋下弄清漪。燕子心忙簾卷遲。我意凄然

君尚病。殘書風雨杏花時。

痛祝生四首末首爲生招魂

月浪吹殘碎錦光。多情元不耐情長。琪園收去

爲花主。幸與人間一瓣香。

其二

暮暮朝朝不記年。何分歿後與生前。疑眸細憶君何在。髮鬢牀頭燈影邊。

其三

絕異才仙去。宵冥魂香猶結桂風清。遺縑幸有

能將意日減春顏寄贈君

答二

斷魄中流一線分萬千心事託秋雲芳顏千里
蒙君贈賴有慊慊病答君

邀夢

愁殺路長寒夢短離魂未到夢將醒願君早睡
魂先走到我夢初來半程

樓望

高樓風盡鷓鴣斑日夜愁堆遊子顏願作來生

無恙鳥悠悠千里白雲山

野步

步出空山山欲暮癡與白雲隨步去雲肯遲留
風急催飛過溪溪莫舟渡

鴛鴦枕

紫帳斜牽燭影偏三更春雨足情田羨伊浴罷
雙飛去猶自沙温柳護眠

促至二首

片片秋帆挂夕曛山深樹樹鳥呼羣多情唯有

生前慧夜夜翻嗔剔短檠

其四

寂寂言愁起暗埃半餘丹葉半青苔月溪無底
風燈笑背摘芙蓉寒影來

別梁丹甫

風送帆秋雨袖分近花飛處遠波紋傷情脉脉
難為賦寄與鷺聲帶贈君

作雲期曲懷人因寄

濁酒三杯慰所懷離離荒草舊歌臺白雲意急

秋風嬾目斷天涯期不來

湖上喜值

世上浮沉付水雲閒書一卷面山羣忽來一陣
空秋色亟喚開門卻是君

友人作病顏詩代為贈答各二章

山外雲寒客夢長踏莎未闕馬蹄忙朱顏暗與
君同去一路飛花莫踐傷

其二

啼鳥鳴蟬不可聞白蘋丹樹恨紛紛別來無物

能將意日減春顏寄贈君

答二

斷魄中流一線分萬千心事託秋雲芳顏千里
蒙君贈賴有慊慊病答君
○ 邀夢
愁殺路長寒夢短離魂未到夢將醒願君早睡
魂先走到我夢初來半程

樓望

高樓風盡鷓鴣斑日夜愁堆遊子顏願作來生

無恙鳥悠悠千里白雲山

野步

步出空山山欲暮癡與白雲隨步去雲肯遲留
風急催飛過溪溪莫舟渡

鴛鴦枕

紫帳斜牽燭影偏三更春雨足情田羨伊浴罷
雙飛去猶自沙溫柳護眠

促至二首

片片秋帆挂夕曛山深樹樹鳥呼羣多情唯有

江灘月未報歸期。日待君。樹鳥知春多計。春
其二 二首

背陰淺。吐綠華。開佩縮春綃。薄霧裁。贈我萬雙
臨別淚。不如一日早歸來。雨足。計日。笑。吟。各。謂。

春意 林

花日當牕度。影遲畫眉含。意欲投誰。雙聲付與
春風管。淮水樓頭莫向吹。更。謂。去。雲。曾。幾。留。

雨樓

小樓面面對。山開亂石無奇也。綠苔。一自雨流

花信去。東風不送好春來。

自悵

命薄所交皆命薄。秋聲燕子怨何誰。願君與我
無多好。但一情深有別離。去。莫。率。別。入。間。為。好。

期飲

煙樹離離月。泛湖樽前借爾一冰壺。莫言明月
無勞贈。昨夜月明君見無。雨。那。亦。計。十。家。亦。非。

風緩

江芷畱人。不忍歸。一灣釣艇蕩秋暉。狂風亦得

自好集 卷六
憐香意繞着花枝氣力微

雁

漁火疎疎夜半明斷雲殘雨雁孤行十家九作
天涯夢飛過江樓且禁聲

送春

天召春歸春去忙任他歸去莫牽腸人間爲汝
多愁恨天上無情去不妨

江船

璫龍雲色淡緗裙新月寒空吐鏡餘江上怨歌

流入夢悠悠遷客意何如

餞

去爲功名好着鞭劍鋒長掛碧羅天相思不斷
如春草千里隨君在馬前

別怨

馬上霜天倦行李千行淚落桃花水莫思舊日
綺羅人明月無家伴遊子

閨望二首

浮碧空谿草自芬月橫劍畫水平分思君目極

無天處雁過嶺頭空斷雲

其二

瘦玉含風秋復秋
曲眉雙結水波愁
白雲明月知歸路
去客倒行何盡頭

春苦

坐背明燈淚背人
被籠燠煖自爲親
烏愁花病雲偃蹇
難說今春也算春

夢述

卸卻羅襪袒半襟
數杯明月隱楓林
平時未必

知心者夢去相逢自有情

順流別

木葉初黃細雨收
無情江水順行舟
癡心欲挽東行柁
淚滴波中不肯流

懷魏元

相對香齋綠正勻
清歌送眼更愁人
至今想起銜杯夜
猶帶長安二月春

憐秋

我憐秋色秋憐我
花影蕭蕭別去樓
雲凍不飛

天半雨晚風一捲出山頭

○ 題楊柳參差揜畫樓

年年憶別水西流。儘日無端倚畫樓。恨殺綠楊遮不盡。斷魂煙雨。盼歸舟。

○ 畫二

離情飄落滿江濱。蕉雨梧桐風正暮。春忽忽。野鷺聲欲碎。樓頭莫有斷腸人。

○ 其二

秋山樹色雨餘新。片片飛紅間綠蘋。誰處簫聲

莫嗚咽。江頭多是載愁人。

懷歸

歲月笑人人不省。晨昏謀事事皆非。豈無意赴雲霞約。奈爾江花牽我衣。

其二

病中不飲春風減。病去銜杯又別離。從此無聊何處是。日沉山半下樓時。

○ 夜櫂

裁就新歌。礙四愁。笛聲煙斷。百花樓。平波蕩得

雙鳧嬾柳線斜牽。一鈎。酒好景佳。暮暮年年。此意豈

娥眉疎

獺穴陰深山外雨。雁聲微渺。月邊書空。林可惜無人處。誰坐危橋待玉如。亦又恨。嬾發此無聊。

西湖感 有序

與黍回來玉相感。湖山之瘁。謂以今日西湖比西子。西子恚矣。然安知非病心時也。湖山憐我。湖山豈受人憐。兩君憐之。兩君之湖陽也。花粧零顛。自是關情。而予與俱憐。愚矣。然不有急淚乎。當別有致憐者。作感懷詞。投兩君。

瘦山瘦我相憐。病山半呼人。鸚鵡低片影。凍飛雲玉晚。爲誰畱夢竹枝西。書以文人豈時百年。閨怨

樓牕不啓。少風吹樓外。梅花多雨時。待得信歸人已病。開書猶訂百年期。此非何可。不盡題一詩。

秋倦

得意閒書塵。四壁鳩子一聲寒。寂寂夢情宛轉。

入香煙曉簾卷出西山碧

郊送

十里送君君馬肥君遊酣快我何依馬頭一揖
嶺雲沒孤袖披離煙雨歸

霞望

莫言霞影虛無相良藥奇書妙友人豈但百年
常伴我不妨攜去作來因

秋病二首

書來恰好命猶絲欲斷還牽幾箇時承問病容

難寫報請看秋盡
棠枝

其二

藤蘿四壁秋光暗一卷書收郵復親獨酌連宵
多半雨勤教風景莫欺人

嚴灘

灘頭步步少平波何必魚竿讓局柯心被野雲
畱不放敢輕名利奈緣何

錢塘

二十年光不可追止餘花草又將萎所期久負

錢塘月夜夜潮忙問送誰草又綠美酒傾

遠行

花自雙枝人自分既成同調自難群單飛莫說
無諧侶五里前頭有片雲

新相識

久聞情致果翩翩前此風流忍記年酒罷欲歸
雲未起殘花偏問玉人憐

蚤

春鳥春鳥何相擲誰似寒蚤故相惜不向合歡

樓上鳴來同抱思吟秋壁

雪

一夜青山換眼看楊花斷處絮雲盤飛觴莫賀

明年瑞幾處空閨添暮寒

古意

據夢尋真事明暗即景思前懽久暫聽蕉訴雨
聲起垂看我隨燈影濃淡

失意

墨尚淋漓白練絕拍脂蘸冷鷓鷯血一時雙照

鬢顏羞天上。玻璃杯底。月冷餘熱。血一和雙。照
秋恨

○ 夢日隨行。行更疾。情堪飛到。到何如。審君去跡。
唯秋草。不令回風寄妾知。而對人。夢醒。燕。指。雨。

○ 贈別

○ 幾片梅花飄月碎。一盃霞影報妝成。情仙應與
天緣近。豈向人間學負盟。

○ 行

○ 風迎得意花情遠。酒入離歌愁力彊。勸子樓頭

○ 休目送。畱儂未斷一絲腸。

○ 名歎

○ 鶴非霄漢。枉名仙人在。圖書空號古。總與人間
緣不長。湊成三字傳何苦。

○ 秋興

○ 曲入灣頭更水清。秋風有意點殘英。江花本是
無知者。恨爲騷人說動情。

○ 寄意

○ 曉飛簾雨暮飛鷗。別未旬來夏已秋。欲識倚樓

望何似。試從煙嶺。一回頭。來夏已。好將蕭索。

春興

雲隔重樓面。相失西橋帶。過新弄。瑟誰吹。流酌起春風。小鳥銜花贈。求足。

春閨

宵來輕雨蕉聲送。蕉雨流情。情欲凍。燕領春風。窺幾時。開簾放入天涯夢。

感慰二作

十萬言書一布袍。嘯聲迢處馬猶嬌。霜斑為寫。

客腸斷。劔怒欲髡頂上毛。

其二

誰笑當年是畫龍。每於時到顯奇蹤。一羣墨鳥鬱飛去。山腹空林泉萬重。

賦別

風來何處馬頭玲。遠遠幽簫山遍青。對此西風元欲淚。况攜杯酒坐離亭。

驟寒

半籠牕碧雲虛點。葉不藏巢鳥悶秋。唯有故園。

自妙集 卷六 五十一 一
花未散。最遲小。蓋更風流。真鳥悶。殊非有。對圖

夜集有贈

笑語籠袖情。眼垂芙蓉隔。坐微香吹雙心。結就
藏杯底。月色滿堂人不知。蕭山。益青。桂北。西風

瓶梅影

壁側殘花人夢冷。頃刻梅花換千本。童子行來
遮破燈。可憐半折梅花影。怪題詩亦如筆墨自

集楊女郎

天涯別久。鬢相依。飲少談清。客醉微。盆水灌花

連月倒枝。枝盡挽素娥衣。

悼

接得鄉書且勿歡。良時花月少平安。相知泉下
人間半生死。於今平等看。回我千言對水。難難

戲贈

滿山殘月影朦朧。幾世緣來狹路逢。袖底半承
雙靨笑。桃花何處借春風。此理棠蔭南風琴

送人

金鞵整罷雨滂沱。得此淹留半日過。苦盡挽君

君不住淚情輸却雨情多
○ 悵入

牕影疎疎未小春。亂煙鋪地野棠新。南風琴遠
西風劍。愁喜雙吹總誤人。

秋懷

秋深落半家園葉。不得牽回游子情。樓外鏤鏤
西去馬。從他無數遠歸聲。

柬寄

勉我淡心多謝病。贈人情語亦還癡。白鷗漁父

相期久。唯爾功名好自爲。

春懷

雨添花色還愁雨。花受人愁不顧人。難道玉門
關外客。年年燕去不知春。

羨閒

水流自在行人險。風徧千家游子酸。閒客懶花
無底事。杯前日與共盤桓。

別

莫向前途回首思。花寒草病客先知。持樽勸謂

隨行者倦馬霜高留意時

歸客試吟秋
林葉落

無風事林深山與共盤桓

木或自公竹入或洞前平安或二領地

寒間

關水客羊羊燕去不味春
回游子情樓外鏡

雨添莎色鬱愁雨
莎受人愁不廉人
鑽葢王門

春寒

賦賦人卸爾
夜各致自

亦還疑白鷗
漁

卷之三